


जातिश गालोन्दन रम्नगो

मृत्युजय चन्द्र

सिविल प्राप्ति



বিশ্ববিজ্ঞাসংগ্ৰহ

বিজ্ঞান বৃহৎ বিভৌৰ্ণ ধাৰার সহিত শিক্ষিত-মনেৱ বোগসাধন কৰিয়া
দিবাৰ অন্ত ইংৰেজিতে বৃহৎ গ্ৰন্থালাৰ বৃচ্ছিত হইয়াছে ও হইতেছে।
কিন্তু বাংলা ভাষায় এৱেক্ষণ বৈশি নাই যাহাৰ সাহায্যে
অন্যায়াসে কেহ জ্ঞান-বিজ্ঞানেৱ বিভিন্ন বিভাগেৱ সহিত পৰিচিত
হইতে পাৱেন। শিক্ষাপৰ্কতিৰ জৰি, মানসিক সচেতনতাৰ
অভাৱ, বা অন্ত বে-কোনো কাৱণেই হউক, আমৰা অনেকেই
অকৌষ সংকৌৰ্ণ শিক্ষার বাহিৰেৱ অধিকাংশ বিষয়েৱ সহিত সম্পূৰ্ণ
অপৰিচিত। বিশেষ, যাহাৰা কেবল বাংলা ভাষাই আনেন
তাহাদেৱ চিন্তাফুলনেৱ পথে বাধাৰ অস্ত নাই; ইংৰেজি ভাষায়
অনধিকাৰী বলিয়া যুগশিক্ষাৰ সহিত পৰিচয়েৱ পথ তাহাদেৱ
নিকট কুকু। আৱ যাহাৰা ইংৰেজি আনেন, অভাৱতই তাহাৰা
ইংৰেজি ভাষাৰ দ্বাৰা হন বলিয়া বাংলা সাহিত্যও সৰ্বাঙ্গীণ পূৰ্ণতা
লাভ কৱিতে পাৱিতেছে না।

যুগশিক্ষাৰ সহিত সাধাৰণ-মনেৱ বোগসাধন বৰ্তমান যুগেৱ একটি
প্ৰধান কৰ্তব্য। বাংলা সাহিত্যকেও এই কৰ্তব্য পালনে পৰামুখ
হইলে চলিবে না। তাই এই দুর্ঘোগেৱ মধ্যেও বিশ্বজাৰতী এই
দায়িত্ব গ্ৰহণে অতী হইয়াছেন।

১৩৫০ সাল হইতে এবাৰং বিশ্ববিজ্ঞাসংগ্ৰহেৱ মোট ১১২ খানি
পুস্তক প্ৰকাশিত হইয়াছে। প্ৰতি গ্ৰহেৱ মূল্য আট আনা। পত্ৰ
লিখিলে পূৰ্ণ তালিকা প্ৰেৰিত হইবে।

বিশ্ববিজ্ঞাসংগ্ৰহেৱ পৰিপূৰক লোকশিক্ষা গ্ৰন্থালাৰ পূৰ্ণ তালিকা
মলাটেৱ তৃতীয় পৃষ্ঠায় সুষ্ঠু সুষ্ঠু। পত্ৰ লিখিলে বিজ্ঞানিত বিবৰণ
প্ৰেৰিত হইবে।

জাতীয় আন্দোলনে বঙ্গনারী

শ্রীমতি মুকুট চৌধুরী



বিশ্বভারতী প্রশালন
২ বঙ্কিম চাটুজ্জ্য স্ট্রীট
কলিকাতা

বিশ্ববিদ্যাসংগ্ৰহ। সংখ্যা ১১২

প্ৰকাশ ১৩৬১ ভাৰত

মূল্য আট আনা

প্ৰকাশক শ্ৰীপুলিনবিহাৰী সেন
বিশ্বভাৱতী। ৬১৩ দ্বাৱকানাথ ঠাকুৱ লেন। কলিকাতা
মুদ্ৰক শ্ৰীগোপালচন্দ্ৰ রায়
নাভানা প্ৰিটিং ওআৰ্কস লিমিটেড। ৪৭ গণেশচন্দ্ৰ অ্যাভিনিউ। কলিকাতা ১৩

সূচীপত্র

ভূমিকা	১
রাজনীতিতে বঙ্গনারীর যোগদান	২
সরলা দেবী	৪
স্বদেশী আন্দোলন	৭
নারী ও বিপ্লবী দল	১১
স্বদেশী আন্দোলনের ফল	১৪
সরোজিনী নাইডু	১৭
রাজনীতির নৃতন রূপ	১৮
অসহযোগ-প্রচেষ্ট।	২০
প্রস্ততি	২৫
আইন-অমান্য বা সত্যাগ্রহ আন্দোলন	৩১
বিপ্লব-কার্য	৩৫
কর্তব্য ও দায়িত্ব	৩৯
আগস্ট-বিপ্লব ১৯৪২	৪২
আগস্ট-বিপ্লবের পরে	৪৫

জ্যোতির্ময়ী গঙ্গাপাথ্যায়

স্মরণে

ভূমিকা

ভারতবর্ষের স্বাধীনতা-আন্দোলনে বঙ্গনারীর কৃতিত্ব অসাধারণ। তাঁহারা প্রথমে প্রকাশ্তভাবে পুরুষের সঙ্গে রাজনীতিতে যোগ দেন নাই বটে, কিন্তু নিরালায় বসিয়া নানাভাবে ইহার রসদ জোগাইতে সচেষ্ট ছিলেন। সিপাহী-বিদ্রোহকালে ঝান্সীর রানী লক্ষ্মীবাঈ ও মাতাজী মহারানী তপস্থিনী^১ ইংরেজের বিরুদ্ধে সংগ্রামে লিপ্ত হইয়াছিলেন। তবে তাঁহারা অন্য ভাবেই অধিকাংশ ক্ষেত্রে নিজেদের গুণপন্থের পরিচয় দিতেছিলেন। রানী ভবানী, রানী রাসমণি, স্বর্ণময়ী, শরৎকুমারী, জাহাঙ্গী, দিনমণি, বিনুবাসিনী প্রমুখ বহু মহিলা জমিদারী পরিচালনায় যেরূপ কৃতিত্ব প্রদর্শন করেন এবং সমাজসেবায় প্রতিনিয়ত যেমন তৎপর ছিলেন, তাহা যে-কোনো দেশের ও যুগের পক্ষেই প্রাঘনীয়। বৃটিশরাজ তিলে তিলে এদেশবাসীদের অকথ্যভাবে শোষণ করিতেছিলেন, শাসনেও তাঁহাদের অনাচার প্রকট হইয়া পড়িতেছিল। এই পুঞ্জীভূত অনাচার ও শোষণের বিরুদ্ধে ‘শিক্ষিত’ সমাজ যে সার্থক আন্দোলন পরিচালনা করিতে আবন্ধ করিয়া দেন তাহাতে নারী ঐকান্তিকভাবে সাহায্য করেন।

বঙ্গে হিন্দুমেলার ভিতর দিয়াই ভারতবাসীর সর্ব বিষয়ে আত্মস্থ হইবার প্রয়াস প্রথমে স্ফূর্তি হয়। সে আজ সাতাশি বৎসর আগেকার কথা। তখনই স্বদেশজাত দ্রব্য ব্যবহারের দিকে বাঙালির মন আকৃষ্ট হইয়াছিল। স্বদেশী শিল্পদ্রব্য উৎপাদনে পারদর্শিতা দেখাইয়া বহু সন্ত্রাস পরিবারের মহিলা পারিতোষিক স্বরূপ পদকাদি প্রাপ্ত হন। ইহার পর স্ত্রীশিক্ষা-প্রসারের সঙ্গে-সঙ্গে নারীসমাজের অন্তর্নিহিত সাজাত্যবোধ নানা দিকে আত্মপ্রকাশ করিতে থাকে। ধর্ম সমাজ শিক্ষার উন্নতির জন্য তাঁহারা প্রথমে সজ্যবদ্ধ হন। কংগ্রেস-প্রতিষ্ঠার অল্লকাল পরে কেহ কেহ রাজনীতিক্ষেত্রেও পুরুষের পার্শ্বে আসিয়া দাঁড়াইলেন। যাঁহারা তখন প্রকাশ্তভাবে রাজনীতিতে যোগদান করেন নাই,

১ ব্রহ্মবান্ধব উপাধ্যায় সম্পাদিত ‘স্বরাজ’, ১৫ বৈশাখ, ১৩১৪

তাহারা অস্তরাল হইতে স্বামী-পুত্রদের নানারূপে সাহায্য করিতেন। কংগ্রেস-প্রতিষ্ঠার পূর্ব হইতেই রাজনৈতিক আন্দোলন বাংলাদেশে যে বিশেষ দানা বাঁধিয়া উঠিতে পারিয়াছিল, তাহার মূলে রহিয়াছে নারীর এই কল্যাণহস্ত ও নীরব আত্মান।

রাজনীতিতে বঙ্গনারীর যোগদান

কংগ্রেসের পঞ্চম অধিবেশনে (বোম্বাই ১৮৮৯) দুই জন বঙ্গনারী সর্বপ্রথম যোগদান করেন— কংগ্রেস-নেতা জানকীনাথ ঘোষালের সহধর্মী বাংলার ‘সাহিত্যসন্দৰ্ভী’ স্বর্ণকুমারী দেবী এবং অন্ততম নেতৃস্থানীয় দ্বারকানাথ গঙ্গোপাধ্যায়ের সহধর্মী প্রথম ভারতীয় মহিলা গ্র্যাজুয়েট চিকিৎসক কাদম্বিনী গঙ্গোপাধ্যায়। পর বৎসরের কলিকাতা কংগ্রেসেও ইহারা ঘনিষ্ঠতরভাবে যোগ দিয়াছিলেন। এবাবে উভয়েই প্রতিনিধিত্বের সম্মান লাভ করেন। কাদম্বিনী অধিবেশন-শেষে সভাপতিকে ধন্তবাদ দান প্রসঙ্গে একটি বক্তৃতা করেন। অ্যানি বেসোন্ট এই ঘটনার উল্লেখ করিয়া বলেন, ভারতবর্ষের স্বাধীনতা যে ভারতীয় নারী জাতিরও উন্নতির ঘোতক, এ ব্যাপারে তাহাই স্মৃচ্ছিত হইল।^২

কাদম্বিনী পরবর্তীকালে প্রত্যক্ষভাবে রাজনীতির সঙ্গে সংযোগ না রাখিলেও অন্ত নানা দিকে স্বদেশপ্রেমের পরিচয় দিয়াছিলেন। ১৯০৬ সনে কলিকাতা কংগ্রেসের সময় যে মহিলাসম্মেলন হয় তাহার একজন প্রধান উঠোক্তারূপে তাঁহাকে আমরা দেখিতে পাই। দক্ষিণ-আফ্রিকার ট্রান্সভালে মহাআন্তর্মান গান্ধীর নেতৃত্বে ১৯০৮ সনে সত্যাগ্রহ আন্দোলন শুরু হইলে কলিকাতায় ইহার সাহায্যার্থ একটি সভা গঠিত হয়। কাদম্বিনী এই সভার সভানেত্রীরূপে কঠোর পরিশ্রম করিয়াছিলেন। বিহারের কঘলাৰ খনিৰ মজুরানীদেৱ বিষয় অনুসন্ধানেৱ জন্ম তিনি কবি কামিনী রায়েৱ সঙ্গে ১৯২২ সনে ঐ দুই প্ৰদেশ

^২ “A symbol that India's freedom would uplift Indian womanhood.”—India Wrought for Freedom, পৃঃ ১১৬

পরিভ্রমণ করেন। ইহা ছাড়া রাজনৈতিক কর্মাদিগকেও তাঁহাদের মতবাদের বানিজের বিপদের প্রতি অক্ষেপ না করিয়া নানাভাবে সাহায্য করিতে কখনো পশ্চাংপদ হন নাই।

বঙ্গের নারীদের মধ্যে স্বর্ণকুমারী দেবী স্বদেশপ্রেম-মন্ত্রের একজন প্রধান উদ্গাত্তী। তাঁহার স্বদেশভক্তি শুধু সাহিত্যের ভিতর দিয়াই উৎসাহিত হয় নাই, বিবিধ কর্মপ্রচেষ্টার মধ্যেও তাহা রূপ পরিগ্রহ করিয়াছিল। তৎপ্রতিষ্ঠিত স্থীসমিতি বাংলার নারী-জাতির প্রাণে স্বদেশী শিল্পের প্রতি অনুরাগ-বর্ধনে বিশেষ সহায়তা করে। স্থীসমিতি পরে শিল্পাঞ্চল ও বিধবাঞ্চলে পরিণত হয় এবং তাঁহার জ্যেষ্ঠা কন্যা ‘ভারতী’র অন্তর্মা সম্পাদিকা হিরণ্যয়ী দেবী ইহার কর্তৃত্বভাবে গ্রহণ করেন। স্বদেশী আন্দোলন কালে স্বর্ণকুমারীর এই গানটি শতসহস্র নরনারীকে স্বাদেশিকতা-মন্ত্রে অনুপ্রাণিত করিয়াছিল :

শত কঢ়ে কর গান জননীর পূত নাম
মায়ের রাখিব মান— লয়েছি এ মহাব্রত।
আর না করিব ভিক্ষা, স্বনির্ভর এই শিক্ষা
এই মন্ত্র, এই দীক্ষা, এই জপ অবিরত।
সাক্ষী তুমি মহাশূন্য, না লব বিদেশী পণ্য
ঘুঁচাব মায়ের দৈন্য, করিলাম এ শপথ।
পরি ছিল দেশী সাজ, মানি ধন্য ধন্য আজ
মায়ের দীনতা লাজ হবে দূর পরাহত।
এই আমাদের ধর্ম, এই জীবনের কর্ম,
এই বন্ধ, এই ধর্ম, এই আমাদের মুক্তিধন।
নমো নমো বঙ্গভূমি, মোদের জননী তুমি
তোমার চরণে নমি, নরনারী মোরা যত।

সৱলা দেবী

স্বর্ণকুমারীর দেশভক্তি তাহার কনিষ্ঠা কণ্ঠা সৱলা দেবীর ভিতরে যেন পূর্ণমাত্রায় বিকশিত হইয়াছিল। সৱলা দেবী বি. এ. উপাধিধারিণী, গত শতাব্দীর শেষ দশকেই সাহিত্য-রচনার জন্য বক্ষিমচন্দ্র ও রবীন্দ্রনাথের নিকট হইতে উচ্চ-প্রশংসা লাভ করিয়াছেন। ১৮৯৫ সনে প্রবাসে থাকিতেই জ্যেষ্ঠা হিরন্ময়ী দেবীর সঙ্গে তিনি ‘ভারতী’র সম্পাদনা ভার লইয়াছিলেন। ‘ভারতী’র মাধ্যমে তিনি প্রথমে স্বদেশবাসীদের বীর্যমন্ত্রে উন্মুক্ত করিতে প্রয়াসী হন। ‘মৃত্যুচর্চা’ ‘ব্যায়াম চর্চা’ ‘বিলাতি ঘূৰি বনাম দেশী কিল’ প্রভৃতি প্রবক্ষে বাঙালী জাতিকে সবল সুস্থ হইতে এবং অপমানের প্রতিকারার্থ মৃত্যু পর্যন্ত বরণ করিতে তাহাদের আহ্বান জানান। তিনি নিজ গৃহপ্রাঙ্গণে ব্যায়াম কুস্তির কেন্দ্র স্থাপিত করিলেন। ইহার আদর্শে কলিকাতার বিভিন্ন পল্লীতে শরীরচর্চার আখড়া প্রতিষ্ঠিত হইল। কংগ্রেসের অধিবেশনকালে যাহাতে ভারতীয় খেলাধুলার একটি প্রদর্শনী খোলা হয়, সেজন্য ১৯০২-৩ সনে তিনি একটি প্রস্তাব পাঠান। জাতীয় সংগীত রচনা দ্বারা ও সৱলা দেবী স্বদেশবাসীদের উন্মুক্ত করিতে প্রয়াসী হইয়াছিলেন। ১৯০১ সনে কলিকাতা কংগ্রেসে তাহার স্বীকৃত্যাত ‘হিন্দুস্থান’ শীর্ষক সংগীতটি গাহিবার ব্যবস্থা করা হয়। বিভিন্ন প্রদেশের ছানাম জন গায়ক মিলিত কর্তৃ এই সংগীত গাহিয়াছিলেন। ইহার প্রথম স্বকটি এই :

অতীত গৌরববাহিনী মম বাণি ! গাহ আজি ‘হিন্দুস্থান !’

মহাসভা উন্মাদিনী মম বাণি ! গাহ আজি ‘হিন্দুস্থান !’

কর বিক্রম-বিভব-ঘণ্টা সৌরভ পূরিত সেই নাম গান।

বঙ্গ বিহার অযোধ্যা উৎকল মাদ্রাজ মারাঠা গুর্জর নেপাল পাঞ্জাব

রাজপুতান !

হিন্দু, পার্শ্ব, জৈন, ইসাই, শিখ, মুসলমান !

গাও সকল কর্তৃ, সকল ভাষে ‘নমো হিন্দুস্থান !’

বন্দেমাতৃর সংগীতটি কিছু অদল-বদল করিয়া নিজ প্রদত্ত স্থারে ১৯০৫
সনের বারাণসী কংগ্রেসে সরলা দেবী গান করিয়াছিলেন।

সরলা দেবী বাঙালী জাতির মধ্যে স্বদেশগৌরব পুনঃপ্রতিষ্ঠার জন্য
মহারাষ্ট্রের শিবাজী-উৎসবের মত এখানেও প্রতাপাদিত্য-উৎসবের সূচনা
করেন। ১৩১০ সালের বৈশাখী পূর্ণিমা তিথিতে (ইং ১৯০৩, ১১ মে)
ভবানীপুর কালীঘাট বালীগঞ্জ ও বাগবাজারের বালকসমাজ কর্তৃক সরলা
দেবীর নেতৃত্বে এই অনুষ্ঠান উদ্যাপিত হইল। ‘সঙ্গীবনী’ ‘বেঙ্গলী’ ‘নিউ ইণ্ডিয়া’
প্রভৃতি বিভিন্ন সংবাদপত্র ইহার বিশেষ প্রশংসা করেন। বিপিনচন্দ্র পাল ‘নিউ
ইণ্ডিয়া’য় লিখিলেন :

As necessity is the mother of invention, Sarala Devi is the mother of Pratapaditya to meet the necessity of a Hero for Bengal.

এই উৎসব হইতে অনুপ্রাণনা পাইয়া অধ্যাপক ক্ষীরোদ্ধুপ্রসাদ ‘বিজ্ঞাবিনোদ
এবং নট ও নাট্যকার অমরচন্দ্র দত্ত ‘প্রতাপাদিত্য’ নাটক লিখিয়াছিলেন। ঐ
বৎসর আবণ মাসে ‘উদয়াদিত্য’-উৎসব প্রতিপালিত হইল। রাজপুত বালক
বাদলের মত বাঙালী বালক উদয়াদিত্য ও বাংলার স্বাধীনতা রক্ষার জন্য
আত্মাহতি দিয়াছিলেন। বঙ্গসন্তানেরা এইসকল কথা নৃতন করিয়া জানিয়া
স্বদেশী আন্দোলনের পূর্ব হইতেই আত্মগৌরবে সুপ্রতিষ্ঠিত হইয়া উঠিতেছিল।

সরলা দেবী বীরাষ্ট্রী ঋতের ভিতর দিয়াও বাঙালী জাতিকে শক্তিমন্ত্রে দীক্ষা
দিলেন (১৯০৪)। দুর্গাউৎসব কালে মহাষ্টমীর দিনে যুবকেরা তলোয়ারকে
পুঁজিবলনে সুসজ্জিত করিয়া রামচন্দ্র শ্রীকৃষ্ণ হইতে প্রত্যাপাদিত্য সীতারাম
পর্যন্ত বীর ভারতসন্তানগণের নামে স্তোত্র পাঠ পূর্বক অঙ্গলি প্রদান করিত।
শক্তিমন্ত্রের চিহ্নস্বরূপ এই দিনে মায়েরা নিজ নিজ সন্তানের হন্তে রাখী পরাইয়া
দিতেন। নানারকম খেলাধুলার ও আয়োজন করা হইত। ঐ উপলক্ষ্যে রচিত
সরলা দেবীর ‘বীরাষ্ট্রী গানে’র শেষ অংশ এখানে দেওয়া হইল :

জাতীয় আন্দোলনে বঙ্গনারী

স্বদেশানুরাগে যেই জন আগে,
অতি মহাজ্ঞানী হোক না কেন,
তবুও সে জন অতি মহাজন
সার্থক জনম তাহার জেনো ।
দেশহিত-ব্রত এ পরশমণি,
পরশিবে ধারে বারেক যথনি,
রাজভয় আৱ কাৰাভয় তাৱ
যুচিবে তাহার তথনি জেনো ।
মাতৃভূমি তৱে যেই অকাতৱে
নিজ প্ৰাণ দিতে কভু নাহি ডৱে
অপঘাত ভয় আশু তাৱ ধায়
মৱণে গোলোকে ধায় সেই জন ।^৩

‘স্বদেশী’ আন্দোলন আৱস্তৱে কয়েক বৎসৱ পূৰ্ব হইতেই সজ্যবন্ধভাৱে
স্বদেশজ্ঞাত দ্রব্য স্বলভে সৱবৰাহেৱ আয়োজন হয় । ব্যারিস্টাৱ যোগেশচন্দ্ৰ
চৌধুৱীৱ উদ্যোগে বৌবাজাৱে একটি^৪ এবং রবীন্দ্ৰনাথ ঠাকুৱ স্বীয় ভাতুপ্রস্তুত
বলেন্দ্ৰনাথ ঠাকুৱেৱ সহযোগে আৱ-একটি স্বদেশী ভাণ্ডাৱ খুলিয়াছিলেন ।^৫
সৱলা দেৱীও স্বদেশী দ্রব্য সংগ্ৰহ কৱিয়া তাহা বিক্ৰয়াৰ্থ “লক্ষ্মীৱ ভাণ্ডাৱ”
খুলিলেন । ১৯০৪ সনে বোম্বাই কংগ্ৰেস প্ৰদৰ্শনীতে এখান হইতে স্বদেশজ্ঞাত
বিবিধ দ্রব্যেৱ নমুনা প্ৰেৰিত হয় । এইসকল দ্রব্যেৱ উৎকৰ্ষ বিবেচনা কৱিয়া
কৃত’পক্ষ “লক্ষ্মীৱ ভাণ্ডাৱ”কে একটি স্বৰ্ণপ্ৰদক প্ৰদান কৱিয়াছিলেন । সৱলা

৩ ‘ভাৱতী’, কাৰ্তিক ১৩১১ ।

৪ যোগেশচন্দ্ৰ চৌধুৱী মহাশয় স্বয়ং ইহাৱ বিবৱণ লিপিবন্ধ কৱিয়াছেন এই প্ৰক্ৰে :
“Swadeshism and its contribution to Nationalism—Industrial, Cultural and Political” । প্ৰকাশিত হয় ২৫শ বাৰ্ষিক সংখ্যা—Journal of the College of Engineering and Technology, Jadabpur পত্ৰিকায় ।

৫ ‘ভাৱতী’, আবিন ১৩০৭

স্বদেশী আন্দোলন

১

দেবী লিখিয়াছেন, “বঙ্গদেশে ‘লক্ষ্মীর ভাণ্ডার’ হইতে যেসকল সামগ্ৰী পাঠান হইয়াছিল, তাহা প্ৰদৰ্শনীতে বিশেষ প্ৰশংসা লাভ কৰিয়াছিল। চট্টগ্ৰামেৰ পাৰ্বত্য রাজ্যেৰ রানীৰ স্বহস্ত্ৰেৰ প্ৰস্তুত দুইটি অতি সুন্দৰ বস্ত্ৰখণ্ড বঙ্গদেশেৰ গোৱাবেৰ কাৰণ হইয়াছিল। এতদুপলক্ষ্যে ‘লক্ষ্মীৰ ভাণ্ডার’ সুবৰ্ণ মেডেল পাইয়াছেন।”^৬

১৯০৫ সনেৱ ৫ই অক্টোবৰ পঞ্জাবেৰ আৰ্যসমাজী নেতা রামভজ দত্ত চৌধুৰীৰ সঙ্গে সৱলা দেবীৰ বিবাহ হয়। ইহাৰ পৰ প্ৰধানত পঞ্জাবই তাহাৰ কৰ্মক্ষেত্ৰ হইল। এ সম্বন্ধেও একটু পৱেই আমৱা জানিতে পাৰিব।

স্বদেশী আন্দোলন

বড়লাট লড় কাৰ্জনেৰ হুমকিতে ১৯০৫ সনেৱ ১৬ অক্টোবৰ (১৩১২, ৩০ আশ্বিন) বঙ্গদেশ দ্বিখণ্ডিত হইল। এই সময় বাংলাদেশ জুড়িয়া এবং বাংলাৰ বাহিৱেও যে স্বদেশীৰ অভূতপূৰ্ব সাড়া পড়িয়া গিয়াছিল, তাহাৰ প্ৰস্তুতি চলিয়াছিল বহু বৎসৱ আগে হইতেই, আৱ এই কাৰ্যে বঙ্গনাৰীৰ* কৃতিত্ব আদৌ কম নহে। স্বদেশী আন্দোলনেৰ সূচনাতেই নাৱীসমাজ এই আন্দোলনে বিশেষভাৱে বৰসদ জোগাইতে লাগিয়া গেলেন। তথনও কিন্তু প্ৰকাশ্য সভা-সমিতিতে নাৱীৰ ঘোগদান তেমন শুলু হয় নাই। ঐ সময় তাহাৰা প্ৰধানত নিজ নিজ গৃহে, মহল্লায় বা পল্লীতে সমবেত হইয়া স্বদেশী দ্রব্য প্ৰচলনেৰ সংকলন গ্ৰহণ কৰিলেন। মুশিদাবাদ জেলাৰ জেমো-কান্দীতে এই দিনে পাঁচ শতাধিক মহিলা আচাৰ্য রামেন্দ্ৰসুন্দৰ ত্ৰিবেদীৰ ভবনে সমবেত হইয়া তাহাৰ বচিত ‘বঙ্গলক্ষ্মীৰ অৱকথা’ শ্ৰবণ কৰেন এবং অৱস্থন পালন দ্বাৱা প্ৰত্যেকে স্বদেশী গ্ৰহণে প্ৰতিজ্ঞাৰক হন। কলিকাতায় এবং বঙ্গেৰ বিভিন্ন জেলায়ও নাৱীগণ পুৰুষেৰ সঙ্গে সমভাৱে স্বদেশী-অৱত পালনে উজ্জীৰিত হইয়া উঠিলেন। এ সময় বিদেশী দ্রব্য, বিশেষ কৰিয়া বিলাতী বস্ত্ৰ, বৰ্জনেৰ প্ৰতিজ্ঞায়ও তাহাৰা আবদ্ধ হন।

৬ ‘ভাৱতী’, ফাল্গুন ১৩১২।

জাতীয় আন্দোলনে বঙ্গনারী

এই প্রসঙ্গে কলিকাতার কৃষ্ণকুমার মিত্রের কণ্ঠা কুমুদিনী মিত্রের (পরে
বস্তু) কার্যকলাপ ও ত্যাগ বিশেষ স্মরণীয়। তিনি এই সময়ে সভা-সমিতিতে
যোগদান করিয়া এবং জাতীয় সংগীতাদি রচনা করিয়া জনসাধারণকে জাতীয়তা-
মন্ত্রে উৎসুক করিতে সচেষ্ট হইলেন। কুমুদিনীর মাতা লীলাবতী মিত্র, ডাঃ
নীলরতন সরকারের স্ত্রী নির্মলা সরকার, ডাঃ প্রাণকৃষ্ণ আচার্যের স্ত্রী স্বালা
আচার্য, ডাঃ সুন্দরীমোহন দাসের স্ত্রী হেমাঙ্গিনী দাস গৃহমধ্যে থাকিয়াই স্বদেশীকে
সার্থক করিবার যথাসাধ্য আয়োজন করিতে লাগিলেন। নিজ নিজ গৃহে এবং
পল্লীতে পল্লীতে তাঁত চরখা প্রবর্তনেও তাঁহারা তৎপর হন। হিরণ্যঘৰী দেবী
নারীদের স্বদেশী ভ্রত গ্রহণের বিষয় উল্লেখ করিয়া তাঁহাদের আরক্ষ দুইটি
গঠনমূলক কার্যের কথা এইরূপ লেখেন :

“বিলাতী বন্ধ যথাসাধ্য বর্জন করিবার প্রতিজ্ঞা ভিন্ন কয়েকটি রংগী ৩০শে
আশ্বিন হইতে আরও দুই-একটি বিশেষ ভ্রত গ্রহণ করিয়াছেন। তন্মধ্যে একটি
শিল্পের সহিত জড়িত। যাঁহারা এ ভ্রত গ্রহণ করিয়াছেন, তাঁহারা প্রতিদিন
চরকায় কিছু পরিমাণে স্ফুতা কাটিয়া, আগামী পূজার আগে, অস্ততঃ একখানি
শাড়ির পরিমাণ স্ফুতা কাটিয়া তাহার দ্বারা শাড়ি তৈয়ারি করাইয়া সেই শাড়ি
পরিয়া দেবতা প্রণামে যাইবেন এই প্রতিজ্ঞা করিয়াছেন।

“আর কয়েকজন রংগী একটি ভ্রত গ্রহণ করিয়া তাহার নাম ‘মায়ের কোঁটা’
রাখিয়াছেন। ইহার মধ্যে করিবার আর কিছুই নাই, কেবল অন্নপূর্ণার নিকট
একমুষ্টি অন্নসংগ্রহ। তাঁহারা লক্ষ্মীর ভাণ্ডারে জননী জন্মভূমির উদ্দেশে একটি
মৃৎপাত্র বা ঘে-কোনো পাত্র স্থাপন করিয়া প্রতিদিন তাহাতে অস্ততঃপক্ষে এক
এক মুষ্টি চাউল রাখিয়া দিবেন। এটি এমনই সহজ যে কাহারও পক্ষে এ ভ্রত
গ্রহণ করিতে বাধা হইবে না। ইহাতে যে শুধু দেশের জন্য দান করা হইবে
তাহা নহে— ইহাতে রংগীর আর-একটি গুরুতর কর্তব্য—সন্তান-শিক্ষার সহায়তা
করিবে। মাতা যদি তাঁহার শিশু-সন্তানকে শিক্ষা দেন যে, প্রভাতে সর্বপ্রথমে
দেবতাকে প্রণাম করিয়া তৎপরে এই জন্মভূমির উদ্দেশে রক্ষিত পাত্রে এক মুঠা

চাউল অর্পণ করিয়া তবে অন্ত কাজে প্রবৃত্ত হও, তাহা হইলে তাহার মনে ধর্ম ও স্বদেশভক্তি উভয় বীজই প্রতিষ্ঠিত হইবে আর আমাদের দেশে এই শিক্ষা বিশেষরূপে হওয়া আবশ্যক। অপর দেশে অন্তর্গত শিক্ষার সহিত ধর্ম ও স্বদেশ ভক্তিরও শিক্ষা দেওয়া হইয়া থাকে।”^৭

দিকে দিকে স্বদেশীর বার্তা প্রচারিত হইতে লাগিল। স্বদেশী ব্রত গ্রহণের সঙ্গেসঙ্গে জাতীয় শক্তিকে সংহত করিবার জন্যও নামা পন্থা উন্নাবিত হইল। বরিশালে মহিলাগণ বিবাহকালে শয্যা-তুলুনীর টাকা জাতীয়-ভাণ্ডারে দান করিতে আবশ্য করিলেন। বরিশালে বঙ্গীয় প্রাদেশিক রাষ্ট্রীয় সম্মেলনের প্রাক্কালে (১৯০৬) ‘বন্দেমাতরম্’ ধ্বনি সহ রাষ্ট্রীয় শোভাযাত্রা বাহির হইতে পারিবে না, এই মর্মে সরকারী নিষেধাজ্ঞা বাহির হইল। ইহা লইয়া সেখানে যে কিঙ্কুপ অনর্থের সৃষ্টি হয়, তাহা অনেকেই অবগত আছেন। এই সময় সরোজিনী বন্ধু নামী এক মহিলা প্রতিজ্ঞা করেন যে, ‘বন্দেমাতরম্’ ধ্বনির বিরুদ্ধে নিষেধাজ্ঞা প্রত্যাহৃত না হইলে তিনি দক্ষিণ হস্তে স্বর্ণবলয় পরিবেন না। এই স্বর্ণবলয় তিনি বরিশালস্থ রাজা বাহাদুরের হাবেলীর প্রস্তাবিত স্বতিস্তন্ত্র ভাণ্ডারে দান করেন।^৮ এই জন্য তাহাকে ‘বঙ্গলক্ষ্মী’ উপাধিতে বিভূষিত করা হয়। বরিশালের কলসকাঠি গ্রামের মহিলারা অনেকে গৈরিক বসন পরিতে প্রতিজ্ঞা করেন— যতদিন না বঙ্গবিভাগ রহিত হয় ততদিন পর্যন্ত।

^৭ ‘ভারতী’, পৌষ ১৩১২

^৮ এই সংকল্পের কথা বিজ্ঞাপিত করিয়া সরোজিনী বন্ধু নিজের পাঁচ বৎসরের পুত্র মারফত অধিনীকুমার দত্তকে যে পত্র পাঠাইয়াছিলেন তাহা এই :

‘বন্দেমাতরম্’

পূজ্যপদ শ্রীযুক্ত অধিনীকুমার দত্ত মহাশয়

শ্রীশ্রীচৰণকমলেষু

শুনিয়া আনন্দিত হইয়াছি যে আমার ক্ষুদ্র দান গৃহীত হইয়াছে। খোকামণিকে দিয়া ডা’ন হাতের বালা পাঠাইয়া প্রতিজ্ঞা করিলাম যে, যে পর্যন্ত “বন্দেমাতরম্” বলা নিষেধি সাকু’লার রহিত না হইবে, সে পর্যন্ত ঐ হাতে আর সোনার বালা পরিব না। “বন্দেমাতরম্।”

সেবিকা—শ্রীসরোজিনী বন্ধু।

—“যজ্ঞভঙ্গ”, পৃ, ১০৫

আবার কোথাও কোথাও মহিলাগণ অগ্রণী হইয়া স্বদেশী মেলা বা প্রদর্শনী বসাইতে উঠোগী হইলেন। স্বদেশী আন্দোলনের সময় সর্ববিধি সামাজিক ব্যাপারে—বিবাহে, শ্রান্�কে, পূজা-পার্বণে এবং ব্রতাচরণে—বিদেশী বস্ত্র ও দ্রব্যাদি বর্জন যে এত সাফল্যমণ্ডিত হইয়াছিল, তাহারও মূলে ছিলেন এই নারী। চরিষ-পরগনার মজিলপুরে একটি স্বদেশী শিল্প-প্রদর্শনী অনুষ্ঠিত হয়। তাহার প্রধান উঠোক্তা ছিলেন দুই জন মহিলা—বনস্তবালা হোম এবং গিরীসুমোহিনী দাসী। সহকারী সম্পাদিকা রূপে তাহারা শিল্প-দ্রব্যাদি সংগ্রহে যে বিশেষ পরিশ্রম করিয়াছিলেন, প্রথমেক মহিলার মুখে তাহা শুনিতে পাইয়াছি। এই প্রদর্শনীর সম্পাদক ছিলেন ‘বামাবোধিনী পত্রিকা’-সম্পাদক ও সিটি কলেজের তৎকালীন অধ্যক্ষ উমেশচন্দ্র দত্ত।

বাঙালীর মনোযোগে যে ভাবপ্রাবন আসে তাহার মূলেও মহিলা-কবি ও সাহিত্যিকদের প্রেরণা কর ছিল না। স্বর্গরূপারী দেবী, কামিনী রায়, গিরীসুমোহিনী দাসী, মানকুমারী বসু, হিরণ্যাদি দেবী, কুমুদিনী মিত্র প্রমুখ কবি ও সাহিত্যিকাগণের সংগীত কবিতা প্রবন্ধ এবং পুস্তকাদি ক্রমশ প্রকাশিত হইয়া নরনারী নির্বিশেষে বাঙালী মাত্রকেই জাতীয় ভাবে অনুপ্রাণিত করে। বাংলার নারীসমাজ স্বদেশী প্রচেষ্টায় যে কতখানি কৃতিত্ব প্রদর্শন করেন তাহার পরিকার উল্লেখ পাই ১৯০৬ সনের ২৯ ডিসেম্বর কংগ্রেসের অধিবেশন সময়ে বেথুন কলেজ প্রাঙ্গণে অনুষ্ঠিত মহিলা-সম্মেলনের সভানেত্রী বরোদার মহারানী চিমনবাঈর অভিভাবণে। তিনি অন্যান্য কথার মধ্যে বলেন যে, উত্তর ভারতে পঞ্জাব, গুজরাট এবং দাক্ষিণাত্যে মাদ্রাজ, মহীশূর, ত্রিবাঙ্গে যে স্বদেশী মনোভাব এতখানি প্রসার লাভ করিয়াছে, তাহা এই স্বদেশী আন্দোলনের দৌলতে, আর এই আন্দোলনের মূলে বঙ্গনারীর কৃতিত্ব রহিয়াছে অনেকখানি।^১

১ “I know how the ladies of Bengal have helped and supported the Swadeshi movement which is now spreading fast over Northern India and the Punjab, over Gujerat and the Deccan, over Madras, Mysore, and Travancore, everywhere over this continent.”

মহারানী এই আশা পোষণ করেন যে, সমগ্র ভারতবর্ষ অবিলম্বে স্বদেশী মন্ত্র দীক্ষিত হইয়া স্বদেশের উন্নতি সাধনে অগ্রসর হইবে।

নারী ও বিপ্লবী দল

স্বদেশী আন্দোলনের মধ্যেই কংগ্রেসের নেতৃবর্গ ও রাজনৈতিক কর্মীদের ভিতরে মডারেট বা নরমপন্থী এবং এক্সট্রামিস্ট বা চরমপন্থী এই দুই দলের উন্নত হয়। এই দুই দল ব্যতীত বিপ্লবপন্থী এক দলও এ সময় আত্মপ্রকাশ করে। বিপ্লববাদ বঙ্গদেশে স্বদেশী আন্দোলনের কিছুকাল পূর্ব হইতেই প্রচারিত হইতে থাকে। ডক্টর শ্রীযুত ভূপেন্দ্রনাথ দত্তের একটি সাম্প্রতিক রচনা হইতে জানিতে পারি, একজন মহিলাও বিপ্লববাদের মূলে প্রথম অবস্থায় রসদ জোগাইয়াছিলেন। তিনি আর কেহই নহেন, বিবেকানন্দ-শিষ্য। ভারতগতপ্রাণ ভগিনী নিবেদিতা। তিনি ভারতবর্ষকে স্বদেশ এবং বঙ্গভূমিকে কর্মক্ষেত্রক্ষেত্রে বরণ করিয়া লইয়াছিলেন। বঙ্গনারীর কথা বলিবার সময় তাঁহার বিষয় উল্লেখ না করিলে কাহিনী অপূর্ণ থাকিয়া যাইবে। বঙ্গদেশে যে পাঁচ জন সভ্য লইয়া 'Revolutionary National Council' বা ভারতীয় বিপ্লব সমিতি গঠিত হয় এবং যাহার একজন প্রধান সদস্য ছিলেন শ্রীঅরবিন্দ, ভগিনী নিবেদিতা ছিলেন তাঁহাদের মধ্যে অন্ততম। পুস্তকে এবং বক্তৃতায় তিনি যেমন জাতীয়তার ভিত্তিমূলের কথা প্রকাশ করিতেন তেমনি বিপ্লববাদ প্রচারেও রত হইয়াছিলেন। রামকৃষ্ণ মিশনের সঙ্গে সম্পর্কচ্ছদের মূলেও এই কারণ অনুমিত হইয়া থাকে। ১০৮নং আপার সারকুলার রোডের বিপ্লব-কেন্দ্রের গ্রন্থাগারটি ১৯০২ সনের শেষে বা ১৯০৩ সনের প্রথমে নিবেদিতা প্রদত্ত পুস্তকসংগ্রহ দ্বারাই গঠিত হইয়াছিল। তিনি এইখানে কোনো কোনো বিষয়ে যুবকদের নিকট বক্তৃতা প্রদান করিতেন। সতৌশচন্দ্র মুখোপাধ্যায় প্রতিষ্ঠিত ডন সোসাইটির সঙ্গেও তিনি ঘনিষ্ঠ ভাবে যুক্ত হইয়াছিলেন। এই দুইটির মাধ্যমে নিবেদিতা বাংলার যুব সমাজের সঙ্গে বিশেষভাবে পরিচিত হইলেন।

বঙ্গের নারীসমাজে তখনই নিবেদিতার প্রভাব অঙ্গুভূত হইতেছিল। বরিশালে দুর্ভিক্ষের সময় তিনি সেখানে গমন করেন এবং নারীদের স্বদেশী দ্রব্য উৎপাদনে ও ব্যবহারে তৎপর হইতে বিশেষভাবে পরামর্শ দেন। আর্থিক সংস্থানের উপায় স্বরূপ পুনরায় চরকা গ্রহণে নারীদের উপদেশ দিয়াছিলেন তিনি সেই স্বদেশী যুগেই। স্বদেশী আন্দোলনের মরশ্ডমে বিপ্লববাদের আদর্শে যথন কাজ শুরু হয়, তখনও তিনি ইহাতে নানাভাবে সাহায্য করিয়াছিলেন।^{১০} বিপ্লবীদের সাহায্যের জন্য তিনি যেন সর্বদা প্রস্তুত ছিলেন, একটি ঘটনা হইতে

১০. বাংলার বিপ্লবীদের সঙ্গে নিবেদিতার যোগাযোগ সম্পর্কে *Lizelle Reymond Nivedita—Fille de L' Inde* শীর্ষক ফরাসী ভাষায় লিখিত জীবনীতে অনেক কথা বলিয়াছেন। তাহার কিছুদংশের ইংরেজি তাংশ এই :

She (Nivedita) taught them first the mechanism of secret societies, such as Ireland had known. These samities existed already plentifully in the Indian villages, but they remained fragmentary. There still remained a step to make them a fare so active that each man should represent the entire group and become responsible to the entire group and become responsible for the honour of all.

Then Nivedita insisted on the absolute security of the immense network of secret communication stretched throughout the country like the protecting spider's web. It was necessary that orders should be transmitted as rapidly as by post, from man to man by signs and messages learnt by heart. The appeal was heard. The couriers allowed themselves to be butchered rather than let themselves be corrupted. The ends assigned were pursued with a devotion almost superhuman. From one village to another the cry re-echoed "we are ready."...

"Money was necessary, much money," said Nivedita. All the money that fell into her hands was distributed into the villages by Barindra Kumar Ghose, some women carried to her their jewels, some princes a part of their revenue, some zeminders their harvest, some employees their salaries, some merchants bushels of grain. Some works of inter-aid were born spontaneously, because the moral body of India had now nerves, muscles, blood. When one member suffered, the whole country came to her aid.

তাহার বিশেষ প্রমাণ পাওয়া যায়। ১৯০৭ সনে ‘যুগান্তরে’র সম্পাদকরূপে ভূপেন্দ্রনাথ দত্ত গ্রেপ্তার হইলে তাহাকে জামিনে খালাস করিবার নিমিত্ত নিবেদিতা স্বেচ্ছায় আদালতে উপস্থিত হন। তবে শেষ পর্যন্ত তাহাকে জামিন দাঢ়াইতে হয় নাই।

ভূপেন্দ্রনাথ স্বামী বিবেকানন্দের কনিষ্ঠ ভাতা। বিপ্লবকার্যে তাহার ঘনিষ্ঠ যোগ আজ সর্বজনবিদিত। ‘যুগান্তরে’ বিপ্লববাদ-প্রচারের অভিযোগে তিনি ম্যাজিস্ট্রেট কিংসফোর্ডের আদালতে ১৯০৭ সনের ২৪ জুলাই তারিখে এক বৎসরের জন্য সশ্রম কারাদণ্ডে দণ্ডিত হন। এই কিংসফোর্ডই আদালতে স্বশীল সেনের উপর বেত্রদণ্ডের আদেশ দেন। ঈহাকে হত্যা করিবার ষড়যন্ত্রের ফলে বাংলার সমস্ত বিপ্লবপরিকল্পনা স্ফূর্তি পাইয়া হইয়া যায়। ভূপেন্দ্রনাথের কারাদণ্ড বাংলার ব্রহ্মগীকুলের প্রাণেও তৌরভাবে বাজিয়াছিল। তাহাদের প্রাণ স্বাধীনতার জন্য কিরূপ উদ্বেলিত হইয়া উঠে—ভূপেন্দ্রনাথের বৃদ্ধা মাতা ভূবনেশ্বরীকে মহিলাগণ প্রদত্ত অভিনন্দনপত্র হইতে তাহা জানা যায়। ডাঃ নৌলরতন সরকারের ভবনে কলিকাতার নেতৃস্থানীয়া দুই শত মহিলা স্বদেশী নেতা ‘সঞ্জীবনী’-সম্পাদক কুষলকুমার মিত্রের পত্নী লীলাবতী মিত্রের পৌরোহিত্যে একটি সভায় সমবেত হইয়া তাহাকে অভিনন্দনপত্র প্রদান করেন। ডাঃ প্রাণকুষল আচার্যের সহধর্মীণী স্বালা দেবী ইহা পাঠ করিলেন। অভিনন্দনপত্রখানি এই :

“যতোধর্মস্ততো জয়ঃ।”

“সময়োচিত সন্তানণ পুরঃসর নিবেদন,

“আমরা কতিপয় বঙ্গনারী যুগপৎ আনন্দ ও বিষাদভাব লইয়া আপনাকে অভিনন্দন করিতে আসিয়াছি। আপনার পুত্র অকৃষ্ণ সাহসভরে স্বদেশের সেবা করিতে গিয়া রাজস্বারে যে নিগ্রহ প্রাপ্ত হইয়াছেন, তাহাতে আমরা প্রত্যেক বঙ্গনারী অসীম গৌরব অনুভব করিতেছি। পতিত জাতি ক্ষীণ পুণ্য হ্রত ধর্ম ও লুপ্ত গৌরব পুনরায় লাভ করিতে গিয়া পদে পদে যখন তৌর অপমান ভোগ করেন, তখন সে নিগ্রহ উজ্জ্বল মণির গ্রাম জাতীয় জীবনের শোভা বর্ধন

করিয়া থাকে। বিধাতার শুভ বরে আপনার পুত্র অস্ত যে স্পৃহনীয় আভরণ অর্জন করিয়া আনিয়াছেন, তাহার দীপ্তিতে কেবল আপনার কুল নহে—সমগ্র বঙ্গদেশ আলোকিত হইয়াছে। এক্ষণ সন্তানের জন্মে কুল পবিত্র, জননী ধন্তা ও জন্মভূমি আলোকিত হইয়া থাকেন। আপনার পুত্রের গ্রাম নির্ভীক স্বদেশ-সেবক পুত্র প্রতি বঙ্গনারীর অঙ্কে অবতীর্ণ হউন, এই আশীর্বাদ অস্ত আমরা বিধাতার নিকট ভিক্ষা করিতেছি। ইতি ২৪শে আবণ, ১৩১৪ সাল।

সমবেত বঙ্গমহিলাগণ।

৬১নং হারিসন রোড।”^{১১}

রবীন্দ্রনাথের জাতীয়তাব্যঙ্গক সংগীত এবং আনন্দমোহন বস্তুর পত্রী স্বর্ণপ্রভা বস্তু বিরচিত একটি কবিতা এখানে পঢ়িত হয়। একটি রৌপ্যাধারে অভিনন্দন-পত্রখানি স্থাপন করিয়া ভূপেন্দ্র-জননীকে অর্পণ করা হইল।

স্বদেশী আন্দোলনের ফল

সরকারের অনাচারে নারী-জাতির মধ্যেও বিপ্লবের আদর্শ প্রচারিত হইতে স্বযোগ পাইয়াছিল। তখনও আধুনিক শিক্ষা তাঁহাদের মধ্যে ব্যাপকতা লাভ করে নাই। তথাপি স্বাধীনতার মন্ত্রে বঙ্গনারীও উদ্বৃক্ত এবং অহুপ্রাণিত হইয়া উঠিলেন। উপাধ্যায় ব্রহ্মবান্বের মৃত্যুতে ডাঃ স্বন্দরীমোহন দাসের পত্রী হেমাঙ্গিনী দাস এতই বিচলিত হইয়াছিলেন যে, তিনি স্বামীর সঙ্গে নিমতলা শাশানক্ষেত্রে যাইয়া মৃতের পদরজ মাথায় তুলিয়া লইলেন এবং ব্রহ্মবান্বে যে নারীজাতির, বিশেষ করিয়া তাঁহার নিজের, মধ্যে স্বদেশভক্তির উদ্দেশক করিতে সহায় হইয়াছিলেন তাহা স্বল্প কথায় ব্যক্ত করিলেন। ২৪ আগস্ট ১৯০৭ তারিখের ইংরেজী ‘বন্দেমাতরম্’ দৈনিক এবিষয়ে সবিশেষ উল্লেখ করিয়াছিলেন।^{১২} কখনো

^{১১} মনোরঞ্জন গুহ্ঠাকুরতা সম্পাদিত ‘নবশক্তি’, ১৩ আগস্ট ১৯০৭

^{১২} “And lastly when a few disconsolate ladies waded through the crowd like apparitions and touched the sacred tenement of that great

বিচারে, কখনো বিনা বিচারে বাংলার নেতৃবৃন্দ এবং রাজনৈতিক কর্মিগণকে আঁটক করায় অস্তঃপুরবাসিনীরাও ইংরেজ সরকারের উপর তৌরভাবে বিবিষ্ট হইয়া উঠেন। তাহারা স্বদেশী ব্রত পালনে অধিকতর কুসংকল্প হইলেন। পরবর্তীকালের ব্রিটিশ প্রধানমন্ত্রী জেমস ম্যাকডোনাল্ড ১৯০৯-১০ সনে পত্নী সমভিব্যাহারে ভারত-পর্যটনে আগমন করেন। ম্যাকডোনাল্ড-পত্নী বঙ্গদেশে নারীদের অবস্থা এবং তাহাদের রাষ্ট্রচেতনা সম্পর্কে একটি প্রবন্ধ লিখিয়াছিলেন। বঙ্গনারী কায়মনে যোগদান করিয়া বাংলায় স্বদেশী আন্দোলনকে জয়যুক্ত করিয়াছিলেন—বঙ্গনারীর এই স্বদেশভক্তি সম্বন্ধে তিনি লিখিয়া গিয়াছেন।^{১৩} স্বদেশী আন্দোলনে বাংলার নারীসমাজের কুত্তিত্বের কথা ও তিনি উল্লেখ করিয়াছেন।^{১৪}

এ সময় নারীদের মধ্যে আর-একটি কার্যেরও সূচনা হইল। ইহার সঙ্গে প্রত্যক্ষভাবে রাজনীতির যোগ না থাকিলেও পরবর্তী যুগের রাষ্ট্রীয় আন্দোলনে

soul, the whole crowd was overcome by feelings which were never experienced before. The brief funeral speech of the more elderly among them had an unspeakable eloquence. It moved the whole crowd to tears. She had referred to the part he had played in arousing Indian womanhood.

১৩ "Secondly, one feels there is a tremendous movement going on amongst the women. We are fond of labelling the Indian aspirations as sedition, when if they were amongst ourselves we should call them patriotism. This movement seems to be spreading as much amongst the women as amongst the men."—The Modern Review for August 1910

১৪ "The women are craving for education, and to take some part in the movement of affairs. Take for instance the Swadeshi movement. This could not have succeeded in the way it has done without women. They have meetings in each other's houses, and determine only to buy goods made at home, and not to buy goods made by foreigners.

"The women in the Zenanas often do not know how to read or write, but in spite of this the Swadeshi movement is spreading very much in the places where one would hardly think there would be opportunity for its growth,"—Ibid.

বাংলার নারীসমাজে যে ত্যাগ ও সেবার প্রাবন বহিয়াছিল ইহা তাহার ক্ষেত্র প্রস্তুত করিতে লাগিয়া যায়। ১৯১০ সনে এলাহাবাদে কংগ্রেসের বার্ষিক অধিবেশন হইল। এই অধিবেশনকালে, ৩০ ডিসেম্বর তারিখে পঞ্জাব-প্রবাসিনী বঙ্গকল্প সরলা দেবী চৌধুরানী মহিলা-সম্মেলনে ‘ভারত স্ত্রীমহামণ্ডল’ প্রতিষ্ঠা করিলেন। শিক্ষা স্বাস্থ্য সেবা প্রভৃতি বিষয়ে নারীদের অনুপ্রাণিত করিবার জন্য ইহাতে যে আয়োজন হইল তাহা কখনও ভুলিবার নয়। বঙ্গীয় শাখার সম্পাদিকা হইলেন প্রাতঃস্মরণীয়া কৃষ্ণভাবিনী দাস, আর পঞ্জাব শাখার সম্পাদিকা হইলেন সরলা দেবী চৌধুরানী স্বয়ং। সরলা পঞ্জাব শাখার মারফত রাষ্ট্রে নারীর অধিকার নিরূপণ বিষয়েও আলোচনা করিতে শুরু করিয়াছিলেন। এতাদৃশ আলোচনার ফলেই রাষ্ট্রীয় ব্যাপারে নারীর স্থান ক্রমে স্থানিক হইতে থাকে।

স্বদেশীর মরণশৰ্ম্মে বিপ্লববাদ ও রাষ্ট্রীয় আন্দোলনকে উপলক্ষ্য করিয়া সরকার যে নির্যাতন আরম্ভ করিয়া দিয়াছিলেন তাহাতে কখনও ছেদ পড়ে নাই। ইহার ফলে বিপ্লবকার্য বাংলার জলমাটিতে একেবারে শিকড় গাড়িয়া সমগ্র ভারতে পল্লবায়িত হইল। এই সময় বঙ্গনারীর মধ্যেও যে দেশভক্তি পূর্ণমাত্রায় দেখা গিয়াছিল, বিদেশিনী ম্যাকডোনাল্ড-পত্নীর চক্ষে তাহা স্ফুল্পিষ্ঠ ভাবে ধরা পড়ে। নিরুক্ষৱ বঙ্গবালা ও স্বাধীনতার জন্য সর্বস্বপ্ন করিতে বিধা করেন নাই। তখনকার দিনে বিপ্লবীদের কার্যকলাপে তাহাদিগের পক্ষে যোগদান করা সম্ভব ছিল না বটে, তবে ত্যাহারা যে ইহার প্রতি বিশেষ সহানুভূতিসম্পন্ন, উক্ত বিদেশিনী তাহাও লক্ষ্য করিয়াছিলেন। প্রথম মহাসমরের সময় বিপ্লবীদের কার্য ব্যাপকভাবে আরম্ভ হয়। ফেরারী বা পলাতক কর্মীদের অতি সংগোপনে আশ্রয় দেওয়া, পিস্তল রিভলবার রাখা বা স্থানান্তরে লইয়া যাওয়া, চিঠি আদান-প্রদানের মাধ্যম মাপে কাজ করা—কোনো কোনো বিপ্লবী পরিবারের মেয়েরা স্বেচ্ছায়ই এসকল করিয়া যাইতেন। ১৯১৬ সনে বীরভূম জেলার সিউড়ীতে দুকড়িবালা নামী এক মহিলার বাড়িতে মসার ('mauser') পিস্তল পাওয়া

যায়। তিনি তখন সরকারের নিকট ‘সিঙ্কুবালা’ নামে পরিচিত হন। বিচারে ঠাহার তিন বৎসর সশ্রম কার্যাদণ্ড হয়। অপোগণ শিশুদের গৃহে রাখিয়া তিনি কারাগারে আশ্রয় লইলেন। তিনি প্রেসিডেন্সী জেল হইতে ঠাহার স্বামীকে যে প্রথম পত্র লেখেন তাহা এই :

“আমি বেশ আছি। কিছুই ভেব না আমার জগতে। দেখতে দেখতে তিনি বছর কেটে যাবে। বাচ্চাদের ভুলিয়ে রেখ। তারা মা মা করে কাঁদলে আমি এখানেই চঞ্চল হয়ে উঠব। প্রণাম নিয়ো। ইতি—সেবিকা দুকড়িবালা।”^{১৫}

দুঃখময়ী নামী আর একজন মহিলাকেও অনুরূপ অভিযোগে অভিযুক্ত করা হইয়াছিল।

সরোজিনী নাইডু

ভারতের রাজনীতি ক্ষেত্রে এই সময় আর-একজন বঙ্গকন্যার আবির্ভাব সত্যসত্যই একটি স্মরণীয় ঘটনা। তিনি উচ্চশিক্ষিতা, ইংরেজি সাহিত্য বৃৎপন্না এবং স্বকবি। পিতা অঘোরনাথ চট্টোপাধ্যায় দীর্ঘকাল হায়দরাবাদে নিজামের অধীনে শিক্ষাবিভাগে কর্ম করিয়া কলিকাতায় অবসর জীবন যাপন করিতেছিলেন। কিন্তু কন্তা সরোজিনী জনেক দক্ষিণ চিকিৎসকের সঙ্গে পরিণয়সূত্রে আবদ্ধ হইয়া প্রবাসেই রহিয়া গেলেন। গোপালকুমার গোখলে ঠাহার বক্তৃতা-শক্তিতে মুক্ত হইয়া দেশসেবায় আত্মনিয়োগ করিতে ঠাহারে উপদেশ দিয়াছিলেন। সরোজিনী নাইডুর নাম আজ ভারতবর্ষে কে না জানে? তিনি সাক্ষাৎভাবে কংগ্রেসে যোগদান করেন ১৯১৫ সনে বোম্বাই অধিবেশনে। এই বৎসরই স্বায়ত্ত্বাসন্মূলক প্রস্তাবের সমর্থনে সেখানে তিনি বক্তৃতা দিয়াছিলেন। ইহার পর হইতে কংগ্রেসের সঙ্গে ঠাহার যোগ ক্রমশ ঘনিষ্ঠ হইয়া উঠে। ১৯১৭ সনে অ্যানি বেসাণ্টের সভানেত্রীত্বে কলিকাতা কংগ্রেসের যে অধিবেশন হয় তাহাতেও তিনি একটি চমৎকার বক্তৃতা

^{১৫} ‘নমামি’, শ্রীজিতেশ লাহিড়ী, পৃ ৩০

করিয়াছিলেন। বক্তৃতাটির মর্ম এই, “বিপদে আপদে ভারতের নারীজাতি সবসময়ই পুরুষের সহায়। পুরুষ যখন অবসম্ব বিভ্রান্ত, তখন নারীই আলোক-বর্তিকা-হল্টে তাহাকে পথ দেখাইয়া চলিবে।”

নিখিল-ভারত মোস্লেম লীগ অধিবেশনে মৌলনা সৌকৎ আলী মহম্মদ আলী প্রযুক্ত নেতৃত্বদের মুক্তিপ্রস্তাবের সমর্থনেও এই সময় সরোজিনী বক্তৃতা প্রদান করেন। তিলক-বেসাংট প্রতিষ্ঠিত হোমরুল-আন্দোলনে তিনি যোগ দেন। শাসনসংস্কারের প্রাক্কালে হোমরুল প্রতিনিধি দলের সদস্যরূপে তিনি ১৯১৮ সনে বিলাতে গমন করেন। তিনি ব্রিটিশ পার্লামেণ্টারী সভার সম্মুখে নারীর ভোটাধিকার সম্পর্কে একটি স্মৃতিপূর্ণ বিবৃতি পেশ করিয়াছিলেন। এই বৎসরেরই মে মাসে কাঞ্জিভরমে অনুষ্ঠিত মাদ্রাজ প্রাদেশিক সম্মেলনে পৌরোহিত্য করিতে তিনি আত্মত হন। তাঁহার মৌখিক ভাষণ সকলেরই হৃদয়গ্রাহী হইয়াছিল। তাঁহার ভগিনী মুণ্ডালিনীও বেসাংটের সহযোগীরূপে মাদ্রাজে রাজনৈতিক কার্যে লিপ্ত হইলেন। ‘সাম্-আ’ পত্রিকার সম্পাদক-রূপে মাদ্রাজ-বাসীদের মধ্যে জাতীয় ভাব প্রচারে তিনি তৎপর হন।

রাজনীতির নৃতন রূপ

প্রথম মহাসমর অন্তে ভারতবর্ষের রাজনীতি আবার জটিল আকার ধারণ করে। ভারতবাসীর নবজাগ্রত স্বাধীনতা-স্পৃহা ব্রিটিশ কর্তৃপক্ষকে স্মৃষ্ট থাকিতে দেয় নাই। রৌলট আইন পাস করিয়া ইহার প্রতিরোধে তাঁহারা চেষ্টিত হইলেন। এবাবেও কিন্তু জাতি নতশিরে ইহা গ্রহণ করিল না। স্বদেশী আন্দোলন বাংলাদেশের মধ্যেই বিশেষভাবে সীমাবদ্ধ ছিল। এবাবে মহাত্মা গান্ধীর নেতৃত্বে ভারতব্যাপী সত্যাগ্রহ আন্দোলন শুরু হইয়া গেল। ইহার প্রতিরোধে সরকার যথারীতি অগ্রসর হইলেন। ফলে নানাস্থানে সংঘর্ষ উপস্থিত হইল। মহাসমরের সময়ে ও'ডায়ারী শাসনে পঞ্জাববাসী তিঙ্গুবিরক্ত হইয়াই ছিল।

সত্যାଗ୍ରହେର ଭିତରେ ତାହାରା ବନ୍ଦନମୁକ୍ତିର ଆଭାସ ପାଇୟା ନୂତନ ଆଶାୟ ଏକେବାରେ ମାତୋଯାରା ହଇୟା ଉଠିଲ । ହାନେ ହାନେ ଉତ୍ୟ ପକ୍ଷେଇ କିଛୁ କିଛୁ ଅନାଚାର ହଇଲ । କିନ୍ତୁ ସରକାର ପକ୍ଷେ ଜାଲିଆନ୍ ଓ ଲାବାଗେର ହତ୍ୟାକାଣ୍ଡ ଏବଂ ସାମରିକ ଆଇନ ପ୍ରେରଣ ପୂର୍ବବର୍ତ୍ତୀ ସକଳ ଅନାଚାର-ଉଂପୀଡ଼ନକେଇ ଛାଡ଼ାଇୟା ଯାଏ । ପଞ୍ଜାବେର ନେତୃବ୍ଳନ୍ ଅତି ଦ୍ରୁତ କାରାକନ୍ଦ ଓ ନିର୍ବାସିତ ହଇଲେନ । ପଞ୍ଜାବେର ଅନ୍ତତମ ନେତା ରାମଭଜ ଦତ୍ତ ଚୌଧୁରୀଓ ନିର୍ବାସିତ ହନ । ବଙ୍କଗ୍ରା ସରଲା ଦେବୀ ଚୌଧୁରାନୀ ଅନ୍ତୀମ ଧୈର୍ୟ ସହକାରେ ଉଂପୀଡ଼ିତ ପଞ୍ଜାବବାସୀର ମେବାୟ ଆହୁନିଯୋଗ କରିଲେନ । ତାହାର ଏଇ ସମୟକାର ତ୍ୟାଗ ମେବା ଓ ଦୁଃଖବରଣ ପ୍ରବାସେ ବାଙ୍ଗଲୀ ଜାତିର ମୁଖୋଜ୍ଜଳ କରିଯାଛେ । ଏଥାନେ ଉଲ୍ଲେଖଯୋଗ୍ୟ ଯେ, ସ୍ଵାମୀ ରାମଭଜ ଦତ୍ତ ଚୌଧୁରୀର ସଙ୍ଗେ ତିନି ଏକଥାନି ପତ୍ରିକା ସମ୍ପାଦନ କରିଯାଇଲେନ । ଏଥାନି ପ୍ରଥମେ ସାଂପ୍ରାତିକ ଓ ପରେ ଦୈନିକେ ପରିଣତ ହେ । ସରକାରୀ ରୋଷ ହିତେ ଇହା ରେହାଇ ପାଇଲ ନା ।

ପଞ୍ଜାବେର ଅନାଚାରେ ସମ୍ପଦ ଭାରତବରେ ଚାଙ୍ଗଲ୍ୟର ସୁଷ୍ଟି ହଇଲ । ରବୀନ୍ଦ୍ରନାଥ ଇହାର ପ୍ରତିବାଦେ ନାଇଟ ଉପାଧି ବର୍ଜନ କରିଲେନ । ମହାତ୍ମା ଗାନ୍ଧୀ ଭାରତବ୍ୟାପୀ ବିକ୍ଷେପକେ ସୁପଥେ ପରିଚାଲନାର ଜନ୍ମ ୧୯୨୦ ମେ ଅହିଂସ ଅସହ୍ୟୋଗେର ପ୍ରତାବ ଉତ୍ସାହ କରେନ । ଭାରତବରେ ତଥା ବଙ୍ଗେର ନାରୀଜାତିର ମୁଖପାତ୍ରୀଙ୍କପେ ସରଲା ଦେବୀ ଚୌଧୁରାନୀ ଗାନ୍ଧୀଜୀର ପ୍ରତାବକେ ଅଭିନନ୍ଦନ ଜାନାଇଲେନ । ତିନି ଇହାର ସପକ୍ଷେ ନାରୀଜାତିର ଇତିକର୍ତ୍ତବ୍ୟ ଓ ନିର୍ଦେଶିତ କରିଲେନ । ଏଇ ସମୟ ସରୋଜିନୀ ନାଇଡୁ ସ୍ଵାସ୍ଥ୍ୟାନ୍ତି-ମାନସେ ବିଲାତେ ଅବସ୍ଥାନ କରିତେଇଲେନ । ମେଥାନେ ତିନି ପଞ୍ଜାବେର ସରକାରୀ ଅତ୍ୟାଚାର ସମ୍ବନ୍ଧେ ବିଭିନ୍ନ ଜନସଭାୟ ବର୍ତ୍ତତା ଦେନ । ଇହାର ଫଳେ ମେଥାନେଓ କିଛୁ ଚାଙ୍ଗଲ୍ୟ ଉପର୍ଦ୍ଧିତ ହେ । ଭାରତମୁକ୍ତିବିଭାଗ ମଣ୍ଡଳ ଏବଂ ସରୋଜିନୀର ମଧ୍ୟେ ପତ୍ରେର ମାରଫତେ ବିତର୍କ ଚଲିତେ ଥାକେ । ନାଇଡୁ ମହୋଦୟା କଂଗ୍ରେସ-ରିପୋର୍ଟ ହିତେ ପଞ୍ଜାବେର ଅନାଚାର ସମ୍ପର୍କେ ସଥାଯୋଗ୍ୟ ପ୍ରମାଣ ଦେଖାଇଲେ ତବେ ମଣ୍ଡଳ ସାହେବ ନିରଣ୍ୟ ହନ । ୧୯୨୦ ମେ କଲିକାତାୟ କଂଗ୍ରେସେର-ବିଶେଷ-ଅଧିବେଶନ ଏବଂ ନାଗପୁରେ ବାର୍ଷିକ ଅଧିବେଶନେ ଗାନ୍ଧୀଜୀର ଅହିଂସ ଅସହ୍ୟୋଗ ପ୍ରତାବ ଗୃହୀତ ହିଲେ ଭାରତେ

জাতীয় তথা স্বাধীনতা আন্দোলনের এক নৃতন পর্যায় আবস্থ হয় এবং অন্তান্ত
প্রদেশের মত বাংলার নারীকুলও ইহাতে কায়মনে ঘোগদান করেন।

কলিকাতার বিশেষ অধিবেশনে (১৯২০) স্বেচ্ছাসেবিকা রূপে বাংলার
মেয়েদের কৃতিত্ব এখানে বিশেষভাবে উল্লেখযোগ্য। মহিলা স্বেচ্ছাসেবিকা-
বাহিনীর নেতৃত্বাবে উচ্চশিক্ষিতা জ্যোতির্ময়ী গঙ্গোপাধ্যায় বিশেষ সাহস ও
বুদ্ধিমত্তার পরিচয় দিয়াছিলেন। সক্রিয় রাজনীতিতে নারীর সাক্ষাৎভাবে
ঘোগদানের ঢোতক ইহাই।

অসহযোগ-প্রচেষ্টা

নাগপুর কংগ্রেসে (ডিসেম্বর ১৯২০) অসহযোগ-প্রস্তাব গৃহীত হইলে
ব্যারিস্টার চিত্তরঞ্জন দাশ বাংলায় ফিরিয়া আইনব্যবসা ছাড়িয়া দেন এবং
আন্দোলনে একান্তভাবে ঘোগদান করেন। দেশের জন্য সর্বত্যাগী হইয়া
চিত্তরঞ্জন ‘দেশবন্ধু’ হইলেন। বাংলাদেশের সর্বত্র স্বরাজ-লাভের জন্য যে প্রচেষ্টা
আবস্থ হইল তাহাতে বঙ্গের নারীসমাজও বিশেষ উদ্বেলিত হইয়া উঠেন।
চিত্তরঞ্জনের সঙ্গে তদীয় সহধর্মীণী শ্রীযুক্তা বাসন্তী দেবী বঙ্গের বিভিন্ন জেলা
পরিভ্রমণ করিলেন। কংগ্রেস-স্থাপিত তিলক-স্বরাজ্যভাগারে বাসন্তী দেবীর
অনুপ্রাণনায় নানা স্থানে মহিলাগণ গহনা ও টাকাকড়ি দান করিতে লাগিলেন।
বিভিন্ন শহরে ও পল্লীতে অনুষ্ঠিত রাজনৈতিক সভা-সমিতিতে নারীগণ প্রকাশে
আসিয়া ঘোগ দিলেন। স্বদূর পল্লীতেও অসহযোগের সাড়া কিরণ পড়িয়াছিল,
এবং নারীগণ সভা-সমিতিতে উপস্থিত হইয়া কংগ্রেস-সভ্যশ্রেণী ভুক্ত হইয়া ও
স্বরাজ্য ভাগারে যথাসামর্থ্য দান করিয়া কিরণে আত্মপ্রসাদ লাভ করিতেন
লেখক নিজ অভিজ্ঞতা হইতে তাহার সাক্ষ্য দিতে পারেন।

কলিকাতায় যখন স্বেচ্ছাসেবকবাহিনী বেআইনী ঘোষিত হইল এবং
স্বেচ্ছাসেবকগণ নেতৃবৃন্দসহ দলে দলে কারাকন্দ হইতে লাগিলেন তখন বঙ্গের

নারীগণ আসিয়া পুরুষের স্থান পূরণ করেন। আর এবিষয়ে পথপ্রদর্শক হন দেশবন্ধুর পত্নী শ্রীযুক্তা বাসন্তী দেবী, তাহার ভগিনী শ্রীযুক্তা উর্মিলা দেবী এবং শ্রীযুক্তা সুনীতি দেবী। ১৯২২ সনের ৯ ফেব্রুয়ারি তাহারা আইন অমান্য করিয়া খন্দর বিক্রয়ের জন্য রাস্তায় বাহির হইলে পুলিস তাহাদের গ্রেপ্তার করে এবং রাত্রি ১২টার সময় ছাড়িয়া দেয়। অহিংস রাজনৈতিক আন্দোলনে বঙ্গে এই প্রথম নারী গ্রেপ্তার হওয়ায় তখন বিশেষ চাঞ্চল্য উপস্থিত হইল। ইহার পরে অবশ্য অনেকেই তাহাদের পথানুগামিনী হইয়াছিলেন।

অসহযোগের মরশ্বমে শ্রীযুক্তা উর্মিলা দেবী দেশবন্ধুর অনুপ্রেরণায় গঠন-মূলক কার্যের নিমিত্ত নারী-কর্মন্দির প্রতিষ্ঠা করিয়াছিলেন। নারীদের মধ্যে রাজনৈতিক জ্ঞান-প্রচার, চরকার প্রচলন এবং গৃহে গৃহে খন্দর বিক্রয়— এই সকল উদ্দেশ্য লইয়া ইহা গঠিত হয়। কিন্তু শীঘ্ৰই দেশবন্ধু প্রমুখ নেতৃবৃন্দ (৭ ডিসেম্বর ১৯২১) এবং স্বেচ্ছাসেবকবাহিনী কার্যালয় রাজনৈতিক কার্য পরিচালনার ভারও নারী-কর্মন্দিরের উপর পতিত হইল। কলিকাতায় সভা-সমিতি করা বেআইনী ঘোষিত হইয়াছিল। শ্রীযুক্তা উর্মিলা দেবীর নেতৃত্বে নারী-কর্মন্দির আইন অমান্য করিয়া সভা-সমিতি করার ভার লইলেন। কুমিল্লা হইতে আগত রাজনৈতিক কর্মী ও নেতা বসন্তকুমার মজুমদারের পত্নী শ্রীযুক্তা হেমপ্রভা মজুমদার নারী-কর্মন্দিরের কর্মীরূপে ইহার সঙ্গে যুক্ত হন। প্রায় তিনি সপ্তাহ কার্য করিবার পর উর্মিলা দেবী অস্বস্থ হইয়া পড়িলে হেমপ্রভার উপর সভা-সমিতি অরুষ্ঠানের ভার পড়িল। পুলিসের লাঠি ও সার্জেন্টের বেটন অগ্রাহ করিয়া হেমপ্রভা উত্তর ও দক্ষিণ কলিকাতায় সভা-সমিতির আয়োজন করিতে লাগিলেন। গোলদিঘিতে অনুষ্ঠিত একটি সভায় তিনি সার্জেন্টের বেটনের আঘাতে আহত হন। তিনি এই সময়ে, এবং বিশেষ করিয়া এই দিনে, যে ধৈর্য ও সাহসের পরিচয় দেন তাহা অনেককে চমক লাগাইয়া দেয়।

এই প্রসঙ্গে আর-একজন প্রবীণ মহিলার কথা ও উল্লেখ করিতে হয়।

শ্রীযুক্তা মোহিনী দেবী বাধকে যুবস্বলভ উৎসাহ লইয়া অসহযোগ-আন্দোলনে যোগদান করেন। নগপদে বাড়ি বাড়ি খন্দর বিক্রয়, সভা-সমিতিতে গমন, বক্তৃতা দান, এমনকি মফস্বলে যাইয়া স্বরাজের বার্তা-প্রচার— কোনোটিতেই তিনি পশ্চাংপদ হন নাই। মফস্বলে, বিশেষতঃ মেদিনীপুরের কাথিতে, বৌরেন্নন্ধন শাসমল পরিচালিত ইউনিয়ন বোর্ড বর্জনের উদ্দেশ্যে কর-বঙ্ক আন্দোলন তখন যে এত সাফল্যমণ্ডিত হইয়াছিল তাহার মূলেও রহিয়াছে সেখানকার তথাকথিত অশিক্ষিত অথচ স্বদেশবৎসল নারীসমাজ। ১৯২২ সনে চান্দপুরে ‘কুলি’ নি গ্রহ এবং স্থিমার-ধর্মঘট কালে দেশপ্রিয় যতীন্দ্রমোহন সেনগুপ্তের সঙ্গে তদীয় সহধর্মীণী শ্রীযুক্তা নেলী সেনগুপ্তার অপূর্ব ত্যাগ সেবা এবং কর্মকুশলতাও বিশেষ উল্লেখযোগ্য। দেশপ্রিয় সকল কার্যেই শ্রীযুক্তা নেলী সহায় ও উপদেষ্টা হইয়া ছিলেন। স্থিমার-ধর্মঘট কালে বসন্তকুমার মজুমদার ও তদীয় পত্নী শ্রীযুক্তা হেমপ্রভা ধর্মঘটকারী এবং আসাম-প্রত্যাগত চা-বাগানের ‘কুলি’দের সেবা-শুশ্রাব জন্য গোয়ালন্দে ছয় মাস অবস্থান করিয়াছিলেন।

দেশবন্ধুর কারাগমনের পর বাসন্তী দেবী বাংলা কংগ্রেস কমিটির সভাপতি-পদে বৃত্তা হন। ১৯২২ সনের ১৫ ও ১৬ এপ্রিল চট্টগ্রামে বঙ্গীয় প্রাদেশিক সম্মেলন বাসন্তী দেবীরই নেতৃত্বে অনুষ্ঠিত হইল। তাহার সারগর্ড অভিভাবণে তিনি মহাআন্ত গান্ধীর অসহযোগ-প্রস্তাব খানিকটা সংশোধন করিয়া কাউন্সিল-প্রবেশকেও ইহার অঙ্গীভূত করিবার কথা উৎপাদিত করেন।^{১৬} ইহা লইয়া তখন যে আন্দোলনের সূত্রপাত হয় তাহারই পরিণতি হয় স্বরাজ্য-

১৬ অভিভাবণের উক্ত অংশটি এই: “এই সমস্ত কার্যের স্ববিধার জন্য চারিদিকে আম্য সমিতি স্থাপন করিয়া দেশটাকে ছাইয়া ফেলিতে হইবে। ইউনিয়ন কমিটি, লোক্যাল বোর্ড, জেলা বোর্ড, মিউনিসিপ্যালিটি প্রভৃতি এই সকল সমিতির সাহায্যে নিজেদের হাতে আনিতে হইবে এবং সেইগুলির সাহায্যে জাতীয় ভাব প্রচার করিতে হইবে। আবশ্যক হইলে কাউন্সিল পর্যন্ত দখল করিতে হইবে। কাউন্সিলে আসিয়া অসহযোগ-আন্দোলন পরিচালনা করাই আমাদের উদ্দেশ্য হইবে। যতদিন না আমাদের প্রাপ্য অধিকার স্বীকার করা হয়, ততদিন ভালমন্দ সমস্ত বিষয়ে কর্তৃপক্ষকে বাধা দেওয়াই হয়ত আমাদের কাউন্সিলের কাজ হইবে। ভৱসা করি জাতীয় মহাসমিতির আগামী অধিবেশনে এই বিষয় ভাল করিয়া বিবেচিত হইবে।”

আন্দোলনে ও স্বরাজ্য-দল প্রতিষ্ঠায়। বলাবাহল্য, স্বয়ং দেশবন্ধুও কাউন্সিল প্রবেশের পক্ষপাতী ছিলেন। দার্জিলিঙ্গে সাবিত্রী দেবীর রাজনৈতিক কারণে দণ্ডিত হইবার কথা ও সভানেত্রীর অভিভাষণে উল্লিখিত হয়।

অসহযোগ-আন্দোলন আরম্ভ হইবার দুই বৎসর পরেই ইহার কার্য অনেকটা থামিয়া যায়, কিন্তু এই স্থুতে ভারতীয় সমাজে যে রাষ্ট্রীয় চেতনার উন্মেষ হয় তাহা সর্বপ্রকার অন্যায়ের প্রতিকারে আমাদিগকে উদ্বৃক্ষ করে। বাংলাদেশে তারকেশ্বরের মোহাস্তের বিরুদ্ধে সত্যাগ্রহ পরিচালিত হয় এই একই কারণে। নারী-পুরুষ অনেকেই ইহাতে যোগ দিয়াদিলেন। নারীদের মধ্যে শ্রীযুক্তা হেমপ্রভা মজুমদার, শ্রীযুক্তা সন্তোষকুমারী গুপ্তা প্রভৃতির নাম এখানে উল্লেখ করিতে হয়। ইতিপূর্বে উভয়েই কংগ্রেসের কার্যে আত্মনিয়োগ করিয়াছিলেন। সন্তোষকুমারী ইংরেজি বাংলা হিন্দী তিনটি ভাষায় ওজস্বিনী বক্তৃতা দিয়া শহর পল্লী সর্বত্র জনগণকে মাতাইয়া তোলেন। তিনি ছিলেন রেঙ্গুন-প্রবাসী। অ্যানি বেসাটের কর্তৃত্বাধীনে দিল্লীর একটি বিদ্যালয়তনে তিনি কার্যে ভৃতী হন। পঞ্জাব অত্যাচারের পরে তাহার রাজনৈতিক মতামত সম্পর্কে সন্দিহান হইয়া সরকার তাহাকে রেঙ্গুনে নির্বাসিত করেন। কিন্তু অসহযোগ-আন্দোলন শুরু হইলে সেখান হইতে নিখিল-ভারত কংগ্রেস কমিটির সদস্য নির্বাচিত হইয়া এদেশে ফিরিয়া আসেন। এই সময় সরকার তাহার উপর কোনোরূপ বিধিনিষেধ প্রয়োগ করেন নাই। তারকেশ্বর-সত্যাগ্রহ কালে সন্তোষকুমারী নারীজাতির সম্মান রক্ষার্থে অগ্রসর হন। শ্রীরামপুর ফৌজদারী আদালতে তরুণ শ্বেতাঙ্গ হাকিমের নির্দেশে নারীরা অপমানিত হইবার উপক্রম হইলে তিনি ইহাতে প্রবল ভাবে বাধা দেন। শ্রমিকদের সংগঠনেও সন্তোষকুমারী আত্মনিয়োগ করেন। ১৯২৪ সনে বাংলা ও হিন্দীতে তিনি ‘শ্রমিক’ নামে দুইখানি সাপ্তাহিক পত্র প্রকাশ করিয়াছিলেন। ভারতীয় ট্রেড ইউনিয়ন কংগ্রেসের আদর্শ যে জাতীয় কংগ্রেসের আদর্শের অনুগ করা হয় তাহারও মূলে সন্তোষকুমারীর হাত রহিয়াছে অনেকখানি।

বঙ্গের নারীগণ সাধারণ ভাবে ও প্রকাণ্ডে পুরুষের সঙ্গে রাজনৈতিক কার্যে অবজীর্ণ হন বলিতে গেলে এই অসহযোগের সময় হইতে। এই সময়ে তাঁহারা সাধারণ সভা-সমিতিতে এবং সম্মেলনে সভাপতি পদেও বৃত্ত হইতে থাকেন। প্রাদেশিক কংগ্রেস কমিটির কার্য-নির্বাহক সভায়ও তাঁহাদের স্থান হইল। নবগঠিত করপোরেশনে দেশবন্ধু চিত্তরঞ্জন প্রথম মেয়ের নির্বাচিত হন। তাঁহার সময় হইতে করপোরেশনের অধীনে অবৈতনিক প্রাথমিক শিক্ষা পরিচালনার জন্য প্রাইমারী এডুকেশন কমিটি গঠিত হয়। জ্যোতির্ময়ী গঙ্গাপাধ্যায় কলিকাতার শিক্ষাবিদ নাগরিকরূপে ইহাতে অতিরিক্ত সদস্য মনোনীত হইয়াছিলেন। বঙ্গদেশে পৌরসভায় কার্যবিশেষে নারীর যোগদান এই প্রথম। এ সময়ে প্রতিষ্ঠিত শ্রীযুক্ত হেমপ্রভা মজুমদারের মহিলা কর্মসংঘের বিষয়ও এখানে কিছু বলিব। নারী-কর্মন্দির উঠিয়া গেলে, নারীদের মধ্যে গঠনমূলক কার্য পরিচালনার জন্য এই সংসদ উহার অব্যবহিত পরেই স্থাপিত হয়। সংসদ কতকগুলি দরিদ্র নারীকে আশ্রয় দান করেন। তাঁহাদের এবং অন্যান্য মহিলাদের স্বতা কাটা ও তাঁত বোনা শিখাইবার ব্যবস্থাও করা হয়। এই সংসদের তত্ত্বাবধানে একটি অবৈতনিক বালিকা বিদ্যালয় করপোরেশনের অধীন থাকিয়া পরিচালিত হইত। বয়স্থা সদস্যাগণ রাজনৈতিক সভা-সমিতিতে যোগ দিয়া রাষ্ট্রীয় কর্মে সাহায্য করিতেন। বঙ্গীয় প্রাদেশিক কংগ্রেস কমিটির সম্পাদক সাতকড়িপতি রায় সংসদের বৈষয়িক ব্যবস্থাদি পর্যবেক্ষণ করিতেন।

বঙ্গকগ্ন সরোজিনী নাইডুর কার্যকলাপ সম্পর্কেও এখানে কিছু বলা আবশ্যিক। ১৯২১ সনে বিলাত হইতে প্রত্যাবৃত্ত হইয়া তিনি অসহযোগ আন্দোলনে যোগ দেন। এই বৎসর আহমদাবাদ কংগ্রেসে দেশবন্ধুর অনুপস্থিতিতে তাঁহার সভাপতির অভিভাষণ সরোজিনীই পাঠ করিয়াছিলেন। তিনি কংগ্রেসের বিভিন্ন কার্যে আত্মনিয়োগ করেন। তাঁহার কর্মশক্তিতে সন্তুষ্ট হইয়া মহাত্মা গান্ধী তাঁহাকে ১৯২৪ সনে দক্ষিণ-আফ্রিকা ও কেনিয়ার শ্বেতাঙ্গ উপনিবেশিক

এবং ভারতীয়দের মধ্যে সম্প্রীতি স্থাপনের উদ্দেশ্যে প্রেরণ করিয়াছিলেন। সরাসরি ফললাভ না হইলেও, পরবর্তী ১৯২৭ সনে আলাপ-আলোচনার ফলে ভারতবর্ষ ও দক্ষিণ-আফ্রিকার মধ্যে যে গোলটেবিল বৈঠক হয় তাহার মূলে সরোজিনীর অনেকখানি কৃতিত্ব ছিল, স্বীকার করিতে হইবে। ১৯২৫ সনে কংগ্রেসের কানপুর অধিবেশনে তিনি সভাপতির আসন গ্রহণ করেন। নিজে অহিংসপন্থী হইলেও, স্বদেশ তথা আত্মরক্ষার্থ স্বেচ্ছাসৈনিক বাহিনী গঠনের জন্য তিনি সভাপতির ভাষণে দেশবাসীর নিকটে আবেদন জানাইয়া-ছিলেন। ইহার পর, ১৯২৬ সনে তিনি কংগ্রেসের বাণী প্রচারের উদ্দেশ্যে সমগ্র ভারতবর্ষ পরিভ্রমণ করেন। বাংলাদেশ পর্যটন কালে তাহার সঙ্গিনী হইয়াছিলেন দেশবন্ধু-ভগিনী শ্রীযুক্তা উর্মিলা দেবী। ১৯২৭ সনে সরোজিনী আমেরিকায় গিয়াছিলেন ভারতের সংস্কৃতি ও স্বাধীনতা প্রচেষ্টার কথা তথাকার অধিবাসীদের গোচরে আনিবার জন্য।

প্রস্তুতি

অসহযোগ আন্দোলনে রাষ্ট্রনীতির দিক হইতে প্রত্যক্ষ ফল বিশেষ পাওয়া যায় নাই। শাসকশ্রেণীর মতিগতিও তেমন বদলায় নাই। এ কারণ বুৰা গিয়াছিল যে, ভারতবর্ষে অবিলম্বে আর-একটি প্রচণ্ড সংঘর্ষ বাধিবে। অসহযোগ দেশের মধ্যে যে ভাব-প্লাবন আনিয়া দিয়াছিল তাহা ধরিয়া রাখিয়া দেশকে প্রস্তুত করিবার উদ্দেশ্যে নানা স্থানে সভা-সমিতি-সম্মেলন অনুষ্ঠিত হইতে লাগিল। বাংলার নেতৃস্থানীয়া নারীগণ ইহাতে সমভাবে যোগদান করিয়াছিলেন। জ্যোতির্ময়ী গঙ্গোপাধ্যায় বঙ্গীয় প্রাদেশিক কংগ্রেস কমিটির সদস্য হইয়াছিলেন। তিনি বহু সভা-সমিতি-সম্মেলনের সভানেত্রী রূপেও স্বদেশবাসীর ভিতর রাজনৈতিক আদর্শ প্রচারে লিপ্ত হইয়া পড়েন। এই প্রসঙ্গে শ্রীযুক্তা মোহিনী দেবী, শ্রীযুক্তা উর্মিলা দেবী ও শ্রীযুক্তা হেমপ্রভা মজুমদারের নামও স্মরণীয়। এই সময়ে বঙ্গের

নারীদের মধ্যে আত্মসংগঠন ও রাজনৈতিক কার্য পরিচালনের জন্য সংঘবন্ধ প্রচেষ্টা শুরু হইল। এই স্থূত্রে কয়েকটি নারীসংঘ এবং ১৯২৮ সনের কলিকাতা কংগ্রেসের বিষয় এখানে বিশেষ ভাবে উল্লেখ করিব।

দীপালী সংঘ : শ্রীযুক্তা লীলা নাগ ১৯২৩ সনে এগার জন সহকর্মীণী লইয়া এই সংঘ ঢাকা নগরীতে স্থাপন করেন। প্রথমত নারীদের মধ্যে শিক্ষাবিস্তার কল্নেই ইহার কার্যাবল্লভ হয়। মেয়েদের জন্য একটি উচ্চ-ইংরেজী বিদ্যালয়, একটি বয়স্কা শিক্ষালয় ও শহরের বিভিন্ন পল্লীতে পনেরোটি প্রাথমিক বিদ্যালয় দীপালী সংঘ পরিচালনা করিতেন। এইসকল বিদ্যালয়ে শুধু শিক্ষায়ত্ত্বাই শিক্ষাদান করিতেন। বৎসরে একবার নারীদের তৈরী শিল্প-স্বব্যাদির প্রদর্শনী হইত। দেশের মনীষী ও নেতৃস্থানীয় বক্তিদের দ্বারা বিশেষ বিষয়ে বক্তৃতাদানের ব্যবস্থা ও সংঘ করিতেন। ইহা হইতে সমসাময়িক রাজনীতির আলোচনা ও বাদ যাইত না। মেয়েদের সাহস ও শক্তি বাড়াইবার উদ্দেশ্যে শরীরচর্চা খেলাধুলার নানাক্রম ব্যবস্থা হইল। লাঠি-খেলা ও অসি-ছোড়া মেয়েদের শিখানো হইত। ক্রমে কলিকাতায় ও শ্রীহট্টে দীপালী সংঘের শাখা প্রতিষ্ঠিত হইল। কলিকাতা শাখায় শ্রীযুক্তা শান্তি দাস (এখন কবীর) সংঘের অধীনে একটি উচ্চবালিকা বিদ্যালয় পরিচালনা করিতেন। এখানে স্বপ্রসিদ্ধ পুলিনবিহারী দাস ছাত্রীদের লাঠি-খেলা ও অসি-ছোড়া শিক্ষা দিতেন। ঢাকায় ও কলিকাতায় দীপালী সংঘের অধীন ছাত্রী-সংঘ প্রতিষ্ঠিত হয়। ছাত্রী-সংঘের সভ্যাদের মধ্যে ছিলেন রেণুকা সেন, প্রীতিলতা ওয়াদেদাৰ (চট্টগ্রাম অস্ত্রাগার লুঠনাদি ব্যাপারে বিখ্যাত) প্রমুখ পরবর্তী কালের রাজনৈতিক কর্মিগণ। কংগ্রেসী রাজনীতির সঙ্গে দীপালী সংঘের কিন্তু কখনো বিশেষ যোগ স্থাপিত হয় নাই। সংঘের প্রতিষ্ঠাত্রী শ্রীযুক্তা লীলা নাগ ১৯২৮ সনের কংগ্রেসে মাত্র দর্শকরূপে উপস্থিত হইয়াছিলেন। সংঘের মূল উদ্দেশ্য ছিল স্বদেশপ্রেমের ভিত্তিতে নারীদের ভিতরে আত্মশক্তি তথা আত্মসচেতনতার উন্নোধন। পুরুষের সঙ্গে সমানভাবে নারীরা

যে কার্য করিতে পারেন, সমাজে ও রাষ্ট্রে নারী-পুরুষের অধিকার যে সমতুল, এই কথাই তখন দীপালী সংঘ বাংলার নারীসমাজে বিশেষ করিয়া প্রচার করিতে লাগিলেন।

মহিলা রাষ্ট্রীয় সংঘ : নামেই প্রকাশ, মহিলা রাষ্ট্রীয় সংঘ একটি নিছক রাজনৈতিক প্রতিষ্ঠান। সাইমন কমিশন ১৯২৭ সনের ফেব্রুয়ারি মাসে সর্বপ্রথম বোম্বাই শহরে অবতরণ করিলে ভারতের বিভিন্ন স্থানে হৃতাল ও প্রতিবাদ-সভা অনুষ্ঠিত হয়। কলিকাতায় যে জনসভা হয় তাহাতে সহস্রাধিক বঙ্গনারী উপস্থিত থাকিয়া স্বদেশসেবার সংকল্প গ্রহণ করেন। কবি মনোমোহন ঘোষের কণ্ঠা এবং শ্রীঅরবিন্দের ভাতুপুত্রী শ্রীযুক্তা লতিকা ঘোষের চেষ্টায়ত্ত্বে এত অধিক-সংখ্যক মহিলা এই সভায় সমবেত হইতে পারিয়াছিলেন। তখন বাংলাদেশে বিপ্লবী ভাবাদর্শ আবার মাথা তুলিয়া উঠিতেছিল। ১৯২৭, ১৬ মে স্বভাষচন্দ্র বস্তু আড়াই বৎসর কাল ('অক্টোবর ১৯২৪ - মে ১৯২৭) ব্রহ্মদেশের মান্দালয় জেলে অবস্থান্ত থাকিবার পর মুক্তিলাভ করেন। স্বভাষচন্দ্র খুচরা আসনকার্যের পরিবর্তে একটি বিপ্লবের মাধ্যমে সমগ্র দেশের মুক্তি আনয়নের পক্ষপাতী ছিলেন। এই ভাবাদর্শ অনুষ্ঠায়ী কার্য করিতে হইলে দেশের যুবশক্তিকে সংহত ও সংঘবন্ধ করা আবশ্যক। এ কারণ নারীদের মধ্যে কাজ করিবার নিমিত্ত তিনি শ্রীযুক্তা লতিকা ঘোষের সাহায্য লইলেন।

শ্রীযুক্তা ঘোষজা মহিলা রাষ্ট্রীয় সংঘ প্রতিষ্ঠা করেন। ইহার সভাপতি পদে বৃত হইলেন স্বভাষচন্দ্রের মাতা প্রভাবতী বস্তু এবং সহকারী সভাপতি হইলেন শরৎচন্দ্র বস্তুর সহধর্মিণী বিভাবতী বস্তু। বিভাবতী অন্তরালে থাকিয়া স্বামী শরৎচন্দ্র ও দেবৱ স্বভাষচন্দ্রের রাজনৈতিক প্রচেষ্টাসমূহে কতখানি সহায়তা করিয়াছিলেন তাহা কাহারও অবিদিত নাই। তিনি জীবন সায়াহে প্রকাশ্বভাবে রাজনীতিতে ঘোগদান করিয়াছিলেন। শ্রীযুক্তা লতিকা ঘোষ মহিলা রাষ্ট্রীয় সংঘের সম্পাদকের পদ গ্রহণ করিলেন। সংঘের অর্থভাগার ছিল না, সভ্যদের কোনোক্রম টাঁদাও দিতে হইত না।

এই সংঘের প্রথম দিকে প্রধান কাজ হইল কলিকাতার পল্লীতে পল্লীতে মহিলা কর্মী বা স্বেচ্ছাসেবক দ্বারা রাজনৈতিক আদর্শ প্রচার। শ্রীযুক্তা লতিকা ঘোষ বলিয়াছেন, কাজের স্থিতি কলিকাতাকে দশটি কেন্দ্রে বিভক্ত করা হয়। সংঘের সম্পাদক রূপে তিনি প্রতিদিন এই কেন্দ্রগুলির কোনো-না-কোনোটিতে স্বয়ং গমন করিতেন। প্রথমেই উচ্চরাজনীতির কথা না বলিয়া তিনি নারীদের সঙ্গে মেলামেশা করিয়া, তাঁহাদের আনন্দে ঘোগ দিয়া, অস্থথ-বিস্থথে সান্ত্বনা দিয়া এবং কখনো কখনো ঔষধাদি ও সেবাশুল্কার ব্যবস্থা করিয়া তাঁহাদের স্থানে অংশী হইতেন। ধাঁহারা কিঞ্চিৎ লেখাপড়া জানিতেন তাঁহাদের মধ্যে সরস্বতী লাইব্রেরী কর্তৃক প্রকাশিত বিপ্লবাত্মক পুস্তকসমূহ বিতরণ করা হইত। মহিলাদের অধিকাংশই নিরক্ষর। বিভিন্ন পল্লীর মেয়ে কর্মীদের উপরে ভার ছিল এইসকল পুস্তকে লিখিত বিষয়ের মর্ম তাঁহাদিগকে বুঝাইয়া দেওয়া। ইহাতে বিশেষ কাজ নাইয়াছিল। যখনই কোনো বিরাট জনসভার আয়োজন হইত, এইসকল নিরক্ষর পর্দানসীন মহিলা তাহাতে ঘোগদান করিতে এতটুকু দ্বিধা করিতেন না। সাইমন কমিশন কলিকাতায় পৌছিলে যে ব্যাপক হৱতাল হয় তাহাতে বেথুন কলেজের ছাত্রীগণ ঘোগদান করেন। এই সময় বেথুন কলেজের অধ্যক্ষ জি. এম. রাইট মহোদয়া ছাত্রীদের সঙ্গে যেরূপ দুর্ব্যবহার করেন তাহাতে তাঁহাদের মধ্যে বিক্ষোভ উপস্থিত হয়। এই সম্পর্কে কলিকাতায় আন্দোলন উপস্থিত হয়। তাহার ফলে অধ্যক্ষ রাইট ভারতবর্ষ ত্যাগ করিতে বাধ্য হন। এ সময় হইতে রাজনৈতিক আন্দোলনেও ছাত্রীদের অধিকতর ঘোগসাধন আরম্ভ হইল।

কলিকাতা কংগ্রেস, ১৯২৮ : এই রুকম পটভূমিকার মধ্যে ১৯২৮ সনের মাঝামাঝি হইতেই বঙ্গের নেতৃবৃন্দ দ্বারা জাতীয় কংগ্রেসের অধিবেশনের আয়োজন চলিতে থাকে। স্বত্ত্বাধিকার বন্ধ স্বেচ্ছাসেবক-বাহিনীর অধিনায়ক হইলেন। এবারকার বাহিনী গঠনের কর্তৃকগুলি বৈশিষ্ট্য ছিল। তন্মধ্যে প্রধান বৈশিষ্ট্য হইল সামরিক নীতিতে কলিকাতার বিভিন্ন পার্কে স্বেচ্ছাসেবকদের ড্রিল

মার্চ ও ডিসেপ্টেম্বর বা নিয়ম-শৃঙ্খলা শিক্ষা। নায়ক অধিনায়ক সহনায়ক প্রভৃতির নামও সামরিক কায়দায় দেওয়া হইল। নারীদের মধ্যে রাজনৈতিক চেতনা ধীরে ধীরে সঞ্চারিত হইতেছিল। একটি লক্ষ্য করিবার বিষয়, তথাকথিত উচ্চশিক্ষাপ্রাপ্ত নারীদের চেয়ে নিরক্ষর পর্দানশীল মেয়েরাই স্বাধীনতার আহ্বানে আশাতীত রূপ সাড়া দিতে থাকে।

কংগ্রেস স্বেচ্ছাসেবক-বাহিনীর অঙ্গরূপে একটি সেবিকা-বাহিনী গঠিত হইল। ইহাতে বেথুন কলেজের দুই শত ছাত্রী ঘোগদান করিলেন। এই সেবিকা-বাহিনীর নেতৃত্বে হইলেন শ্রীযুক্ত লতিকা ঘোষ। তাহার পদের নাম দেওয়া হয় ‘কর্নেল’। হাওড়া হইতে পার্কসার্কাসে কংগ্রেস-মণ্ডপ পর্যন্ত স্বেচ্ছাসেবিকারা সভাপতি পদ্ধিত মোতিলাল নেহরুর শোভাযাত্রা শৃঙ্খলা ও ধৈর্যের সঙ্গে অনুগমন করিয়াছিলেন। কংগ্রেসের অধিবেশনকালে তাহারা বিশেষ করিয়া মহিলা প্রতিনিধি ও দর্শকদের স্বীকৃতিবিধি বিধান করিতে যত্নপূর হন। এখানে উল্লেখযোগ্যে, মহিলাদের দ্বারা পরিচালিত, তাহাদেরই দ্বারা প্রস্তুত বিভিন্ন খাবারের একটি ভাণ্ডারও এবারেই প্রথম কংগ্রেসের সময় খোলা হইয়াছিল। এখান হইতে যে অর্থ আয় হইয়াছিল তাহা পরে কংগ্রেসের কার্যের জন্যই ব্যয়িত হয়।

সামরিক কায়দায় পরিচালিত স্বভাষচন্দ্রের এই স্বেচ্ছাসেবক-বাহিনী লইয়া তখন নানারূপ ব্যঙ্গ-বিজ্ঞপ্তি হইয়াছিল। স্বভাষচন্দ্র ‘জেনারেল অফিসার কমাণ্ডিং’ হইয়াছিলেন। ইংরেজীতে সংক্ষেপে বলা হয় ‘জি. ও. সি.’। স্বেচ্ছাসেবিকা-বাহিনী সম্পর্কে অনেকের যে বিকল্প মনোভাব ছিল না এমন নয়। কিন্তু দক্ষিণ-পূর্ব এশিয়ায় পরে যে স্বাধীন-ভারত বাহিনী (যাহা ‘আজাদ-হিন্দ ফৌজ’ নামে সমধিক পরিচিত) গঠিত হইয়াছিল তাহা দৃষ্টে মনে হয়, নেতাজী স্বভাষচন্দ্রের সামরিক রীতিতে স্বেচ্ছাসেবক-বাহিনী গঠন শুধু কথার কথা মাত্র ছিল না। তাহার দিব্যদৃষ্টিতে ভবিষ্যৎ একেবারে শরীরী হইয়া দেখা দিয়াছিল। ‘রানী অব কান্সী বাহিনী’র মধ্যেও এবারকার কংগ্রেসের স্বেচ্ছাসেবিকা-বাহিনীর পূর্ণ রূপ আমরা লক্ষ্য করি।

কংগ্রেসের পর : কলিকাতা কংগ্রেসের পর স্বত্ত্বাষচন্নের বিপ্লবী ভাবাদৰ্শ ‘বেঙ্গল ভলাট্টিয়ার্স’ নামক প্রতিষ্ঠানের বিভিন্ন শাখা মারফত চারিদিকে ছড়াইয়া পড়িবার অবকাশ পায়। মানাবিপুরের পূর্ণচন্দ্র দাস এবং চট্টগ্রামের শ্র্যকুমার সেন (‘চট্টগ্রাম অস্ত্রাগার লুঠনে’র নায়ক, ‘মাস্টার-দা’ নামে পরিচিত) কংগ্রেসের সময় স্বত্ত্বাষের মনোভাব সম্যক অবগত হইয়াছিলেন। তাঁহারা যুবশক্তিকে সংহত ও সংঘবন্ধ করিতে লাগিয়া গেলেন। এতদিন নারীকে বিপ্লবী কার্যে লওয়া হইত না। এবারে স্থির হয়, সম্ভব হইলে বিপ্লবের আদর্শ গ্রহণে তাঁহাদের বাধা থাকিবে না। দেশব্যাপী যুবক ও তরুণীদিগকে লইয়া সংঘ গঠনের আয়োজন শুরু হইল; তন্মধ্যে নারীর সহযোগিতা উপেক্ষণীয় নহে। শ্রীযুক্তা লতিকা ঘোষ শুধু মহিলা রাষ্ট্রীয় সংঘের কার্য বা শুধু তরুণীদের মধ্যে কার্যেই নিজেকে নিবন্ধ রাখেন নাই, তিনি স্বত্ত্বাষচন্নের সঙ্গে বা এককভাবে বিভিন্ন স্থানে সভা-সমিতি করিয়া যুবশক্তিকে উন্নুন্দ করিতে তৎপর হইলেন। বাংলাদেশের বিভিন্ন জেলা ও মহাকুমা শহরে মহিলা রাষ্ট্রীয় সংঘের শাখা স্থাপিত হইয়াছিল। ইহাদের মাধ্যমে নারীদের নৃতন আদর্শে উন্নুন্দ করার চেষ্টা চলিল। বিভিন্ন স্থানে যেসকল যুবসম্মেলন বা রাষ্ট্রীয় সভা হইত তাহার সঙ্গে মহিলাগণের নেতৃত্বে একটি করিয়া মহিলা সম্মেলনও অনুষ্ঠিত হইত। ইহার ফলেও নারীদের মধ্যে রাষ্ট্রীয় চেতনা কম উদ্বিগ্ন হয় নাই।

ঢাকার দৌপালী সংঘ এই সময় হইতে বিপ্লবের আদর্শ প্রচারে ব্রতী হইলেন। পূর্বেলিখিত ছাত্রীসংঘ মারফত তাঁহাদের কার্য আরম্ভ হইল। কলিকাতায় নৃতন ভাবাদৰ্শে উন্নুন্দ হইয়া ছাত্রীগণ ছাত্রীসংঘ গঠন করেন। ইহার সভাপতি হইলেন শ্রীযুক্তা লীলা রায় (পরে, মজুমদার) এবং সম্পাদিকা শ্রীযুক্তা কল্যাণী দাস (পরে, ভট্টাচার্য)। সংঘের উদ্বোধন-সভায় স্বত্ত্বাষচন্দ্র-সভাপতিত্ব করিয়াছিলেন। এই সংয় কংগ্রেস-কার্য পরিচালনের মূল যন্ত্র বঙ্গীয় প্রাদেশিক কংগ্রেস কমিটিতে স্বত্ত্বাষচন্নের অনুবর্তীদের প্রাধান্য ঘটে। স্বত্ত্বাষচন্নের অনুবর্তিনী শ্রীযুক্তা লতিকা ঘোষ কমিটির সদস্য হইলেন। ছাত্রী

ও তরুণীগণ কলিকাতায় এবং মফস্বলে বিভিন্ন বিপ্লবী দলের সঙ্গে যোগ দিতে উৎসুক হন। ‘শ্রীসংঘ’ নামে একটি বিপ্লবী সংঘ প্রতিষ্ঠিত হয় এ সময়ে। যেয়েরাও ইহা সভ্য ছিলেন।

পণ্ডিত জওহরলাল নেহরুর সভাপতিত্বে ১৯২৯ সনে কংগ্রেসের লাহোর অধিবেশনে ভারতের রাষ্ট্রীয় আদর্শ ‘পূর্ণস্বাধীনতা’ বলিয়া বিঘোষিত হয়। ১৯৩০ সনের ২৬ জানুয়ারি স্বাধীনতা-দিবস সর্বপ্রথম উদ্যাপিত হইবে বলিয়া ধার্য হইল। সঙ্গেসঙ্গে ইহাও স্থির হইল যে, মহাত্মা গান্ধীর নেতৃত্বে দেশব্যাপী আইন-অমান্য বা সত্যাগ্রহ আন্দোলন শীঘ্ৰই আৱৰ্ত্ত কৰা হইবে। বাংলাদেশ ইতিমধ্যেই প্রস্তুত হইয়া উঠিতেছিল। তবে এখানকাৰ আন্দোলন বিধারায় পরিচালিত হইবে এৱং সন্তাবনা বেশী দেখা দিল। মহাত্মা গান্ধীর অহিংস সত্যাগ্রহ আন্দোলনে বিপ্লবপন্থীরাও যোগ দিলেন বটে, কিন্তু তাহারা অধিক দিন অহিংস থাকিতে পারেন নাই। এই দুইটি ধাৰায় নারীৰ যোগাযোগের কথাই এখন বলিব।

আইন-অমান্য বা সত্যাগ্রহ আন্দোলন

মহাত্মা গান্ধী লবণ-আইন ভঙ্গ দ্বারা আইন-অমান্য বা সত্যাগ্রহ আন্দোলন আৱৰ্ত্ত কৰা সাধ্যস্ত কৰিলেন। এই উদ্দেশ্যে তিনি সবৰমতী আশ্রম হইতে উনআশি জন সঙ্গী সহ ১৯৩০ সনের ১২ মার্চ পদত্রজে দণ্ডী যাত্রা কৰেন। পৰবৰ্তী ৫ এপ্ৰিল লবণ-আইন ভঙ্গ কৰিতে উত্তৃত হইলে তিনি সরকাৰ কৰ্তৃক দণ্ডীতে বন্দী হইলেন। তিনি ভারতেৰ নারীসমাজেৰ উদ্দেশে এই সময়ে একটি বাণী^{১৭}

১৭ মহাত্মা গান্ধীৰ এই অমূল্য বাণীৰ প্ৰয়োজনীয় অংশেৰ মৰ্ম এখানে দিলাম :

“এই অহিংস যুক্তে পুৱুষদেৱ চেয়ে নারীদেৱ দানই অধিক হওয়া উচিত। নারীকে দুৰ্বল মনে কৰা অপমানজনক। নারীকে অবলা আথাৰ দিয়া পুৱুষ নারীদেৱ প্ৰতি অবিচাৰ কৰিয়াছে।

“এই আন্দোলনে লবণ-আইন ভঙ্গ কৰাৰ চেয়েও বৃহত্তর কাৰ্য আছে। আমি সেই কাৰ্য নিৰ্ণয় কৰিয়াছি। ১৯২১ সালেৱ এক সময় পুৱুষগণ কৰ্তৃক বিদেশী কাপড় ও মদেৱ দোকানে

রাখিয়া থান। এই বাণীর মূল কথা হইল, নারীরা যেন বিদেশী বস্ত্র বর্জন এবং মাদকদ্রব্য নিবারণকল্পে শাস্তিপূর্ণভাবে এগুলির বিক্রয়কেন্দ্রে পিকেটিং করেন। মহাত্মা গান্ধীর নির্দেশে বাংলাদেশের নারীগণ আইন-অমান্ত্রের অন্তর্ভুক্ত কার্যের মধ্যে এ ছইটি বিষয়েও বিশেষ অবহিত হন। বঙ্গের কংগ্রেসী নেতৃবৃন্দ তখন অনুশীলন ও যুগান্তর এই দুই প্রতিপ্রস্তুতি বিপ্লবী দলের প্রভাবাধীন হইলেও, দল-নির্বিশেষে সকলেই সত্যাগ্রহ আন্দোলনে যোগ দিলেন। নারীরাও আপন-পর ভুলিয়া কায়মনে মহাত্মা গান্ধীর নির্দেশানুযায়ী বিশেষ করিয়া উক্ত কার্য ছইটি সম্পাদনে লাগিয়া গেলেন।

স্বত্ত্বাষচ্ছ বস্তু তখন বঙ্গীয় প্রাদেশিক কংগ্রেস কমিটির সভাপতি। বঙ্গীয় কংগ্রেসের একটি প্রধান অংশ তাঁহারই দ্বারা অনুপ্রাণিত। মহিলা রাষ্ট্রীয় সংঘ প্রাদেশিক কমিটির অঙ্গরূপে মহিলাদের সঙ্গে কার্য করিতে শুরু করিয়া দিলেন। তাঁহারা ইতিপূর্বেই ক্ষেত্র প্রস্তুত করিয়াছেন। কলিকাতায় এবং মফস্বলে ইহার বিভিন্ন শাখার মারফত আইন-অমান্ত্র কার্য সম্পন্ন হইতে লাগিল। কলিকাতায় পর্দানশীন মেয়েরাও দলে দলে সত্যাগ্রহে যোগদান করিতে বন্ধপরিকর হইলেন। বিরাট জনসভায় তাঁহারা শিশু-পুত্র-কন্যাসহ বার বার যোগ দিতেও কুণ্ঠিত হন নাই। জনসভা শোভাযাত্রা প্রভৃতি নিষিদ্ধ হইলেও, যখনই আইন-অমান্ত্রের উদ্দেশ্যে ঐসকল অনুষ্ঠিত হইয়াছে তখনই তাঁহারা ইহাতে পুলিসের লাঠি, সামরিক

পিকেটিং আশাতীতরূপে সফল হইয়াছিল বটে, কিন্তু পরে ঐ আন্দোলনের মধ্যে হিংসা প্রবেশ করায় উহা ব্যর্থ হয়। যদি বাস্তবিক আন্দোলন প্রকৃত স্বষ্টি করিতে হয়, তবে পিকেটিং আরম্ভ করিতে হইবে। যদি উহা শেষ পর্যন্ত শাস্তিপূর্ণ থাকে, তবে জনগণকে দ্রুত শিক্ষা দেওয়ার পক্ষে উহাই সর্বোৎকৃষ্ট পদ্ধা।

“হৃদয়ের দ্বারে নারী ভিন্ন আর কে আঘাত দিতে পারে?.. মদ ও মাদকদ্রব্যে অভ্যন্ত হইলে যে নৈতিক চরিত্র নষ্ট হইয়া যায়, ইহা কে অস্বীকার করিতে পারে? বিদেশী বস্ত্র জাতির অর্থনৈতিক ভিত্তিকে শিথিল করিয়া দেয় এবং লক্ষ লক্ষ লোককে কর্মহীন করিয়া তোলে। ইহার পরিণাম কি তাহা নারী জানেন।

“সারতের নারীগণ এই ছইটি কার্যে আত্মনিয়োগ করিয়া বৈশিষ্ট্য অর্জন করল, তাহা হইলে স্বাধীনতা সংগ্রামে তাঁহাদের দান পুরুষের অপেক্ষা বেশী হইবে।”—আনন্দবাজার পত্রিকা শারদীয়া সংখ্যা, ১৩৩৮

ঘোড়-সওয়ারের আক্রমণ এবং এইরকম নানা উৎপীড়ন অগ্রাহ করিয়া নির্ভয়ে ঘোগ দিয়াছেন। মফস্বলে আইনভঙ্গ করিয়া লবণ প্রস্তুতের কাজে সমুদ্র-নিকটবর্তী মেদিনীপুর, চৰিশ পুরগনা, খুলনা, বরিশাল, নোয়াখালি ও চট্টগ্রাম— এই কয়েকটি জেলার মহিলাগণও নিজেদের নিয়োজিত করিলেন।

মহাআন্ত গান্ধী আটক হইবার পর, সরোজিনী নাইডু লবণ-আইন ভঙ্গ করিতে গিয়া কারাকান্দ হইলেন। এতদিন শোভাযাত্রা জনসভা প্রত্তি দ্বারা আইন-অমান্ত কার্য বেশির ভাগ চলিতেছিল, ইহার পর হইতে মহাআন্তজীর নির্দেশ মত দ্রুত পিকেটিংও জোড় আরম্ভ হইল। শ্রীযুক্ত অরুবালা সেনগুপ্তের নেতৃত্বে মহিলা রাষ্ট্রীয় সংঘের কমিগণ স্বেচ্ছাসেবিকা-দল গঠন করিয়া কলিকাতার শামবাজার বৌবাজার বড়বাজার অঞ্চলে বিদেশী বন্দু ও মাদকদ্রব্যের দোকানে পিকেটিং করিতে লাগিয়া যান। পিকেটিং বেআইনী। এই বেআইনী কার্যের নিমিত্ত পুলিস প্রথম প্রথম মহিলাদের গ্রেপ্তার না করিলেও পরে যখন ইহা খুব জোরালো হইয়া উঠে তখন নিশ্চেষ্ট না থাকিয়া গ্রেপ্তার করিতে লাগিল। বন্দী-সংখ্যা বাড়িয়া গেলে নারীদের গ্রেপ্তার না করিয়া পিকেটিং হইতে নিরস্ত করার উদ্দেশ্যে নানাভাবে হয়রান করিতেও ছাড়িল না। ছাত্রীসংঘ রাষ্ট্রীয় সংঘের কার্য সহায় হইয়াছিলেন। যখন স্কুল-কলেজে পিকেটিং করা ধার্য হইল তখন ছাত্রীসংঘই এই কাজে বিশেষভাবে লিপ্ত হন। তবে তাহাদের কার্য মহিলা রাষ্ট্রীয় সংঘের নেতৃত্বাবলো বিশেষ সাহায্য করিতেন। গ্রেপ্তার না করিয়া মহিলাগণকে পুলিস কখনো কখনো কলিকাতার উপকর্তৃ সাধারণ যানবাহনের অগম্য স্থানে ফেলিয়া আসিতে দ্বিধা করিত না। একবার পুলিস ছাত্রী-সত্যাগ্রহীদের সমস্ত দিন আটক রাখিয়া রাত্রি বারোটা নাগাদ ধাপার মাঠে ছাড়িয়া আসিয়াছিল।

নারী সত্যাগ্রহ সমিতি : মহাআন্ত গান্ধীর দণ্ডী যাত্রার পরদিনই, ১৩ 'মার্চ ১৯৩০ তারিখে, কংগ্রেসের সহিত দীর্ঘকাল সংশ্লিষ্ট কলিকাতার কয়েকজন নেতৃস্থানীয়া মহিলা স্বতন্ত্রভাবে এই সমিতি স্থাপন করিলেন। সভাপতি হইলেন

শ্রীযুক্তা উর্মিলা দেবী, সহকারী সভাপতি শ্রীযুক্তা মোহিনী দেবী, জ্যোতির্ময়ী গঙ্গোপাধ্যায়, নিষ্ঠারিণী দেবী, শ্রীযুক্তা আশালতা দাস ও শ্রীযুক্তা হেমপ্রভা দাসগুপ্তা (শ্রীসতীশচন্দ্ৰ দাশগুপ্তের সহধর্মীণী), সম্পাদিকা শ্রীযুক্তা শান্তি দাস (পৰে হৃমায়ন কৰিবৰে পত্নী) ও শ্রীযুক্তা বিমলপ্রতিভা দেবী। কাৰ্যকৰী সমিতিৰ সদস্যা হইলেন— শ্রীযুক্তা সৱলাবালা সৱকার, অস্বালিকা দেবী, জ্যোৎস্না মিত্র, ইন্দুমতী গোয়েকা, সজ্জন দেবী, মানসনলিনী দেবী ও সুষমা দাশগুপ্তা। নারী সত্যাগ্রহ সমিতিতে কলিকাতা-প্ৰধানী অবাঙালী মহিলাদেৱ যোগদান লক্ষণীয়।

সমিতিৰ কাৰ্যক্ৰম মহিলা রাষ্ট্ৰীয় সংঘেৱ মতই সভা-সমিতি, শোভাযাত্ৰা, পিকেটিং প্ৰতিতে নিবন্ধ ছিল। তবে বিদেশী বস্ত্ৰ বৰ্জনেই ইহার কুতিত্ব সকলেৱ চেয়ে অধিক। বড়বাজার অঞ্চলেৱ সদাচুথ কাটৱা, মনোহৱ দাস কাটৱা, ক্ৰস্ স্ট্ৰীট, সুতাপটী, পচাগলি, এবং চাঁদনি, গ্ৰান্ট স্ট্ৰীট ও হগ মাৰ্কেটে বিদেশী বস্ত্ৰেৱ দোকানে সমিতি পিকেটিং পৰিচালনা কৰেন। শত শত নারী— গৃহস্থ ঘৱেৱ কণ্ঠা বধ এবং মাতা— স্বেচ্ছায় সমিতিৰ সভ্যাদেৱ সঙ্গে যোগ দিয়া তাহাদেৱই নিৰ্দেশে পিকেটিং লিপ্ত হন। ইহাদেৱ মধ্যে নিৱক্ষৰ, পৰ্দানশীন, এবং অবাঙালী মেয়েৱা বিস্তৰ ছিলেন। পুলিস পূৰ্বোক্ত সংঘেৱ মত ইহাদেৱ প্ৰতি কোনোৱেপ সদয় ব্যবহাৱ কৰে নাই, বৱং ক্ৰমে বহু মহিলাকে কাৰাকুন্ড কৱিয়া ফেলে। শ্রীযুক্তা উর্মিলা দেবী বলেন, নারী সত্যাগ্রহ সমিতিৰ সভ্যাগণেৱ অক্লান্ত চেষ্টা ও অশেষ দুঃখবৱণেৱ ফলেই বড়বাজার অঞ্চলেৱ বড় বড় বিলাতী বস্ত্ৰেৱ আমদানিকাৰকগণ উহার আমদানি কৱিতে নিৱন্ত হন। ইহার পৱ বিলাতী কাপড় বাজাৰ হইতে প্ৰায় অন্তৰ্ভুক্ত হইল।

শ্রীযুক্তা সৱলাবালা সৱকাৰ প্ৰমুখ নারী সত্যাগ্রহ সমিতিৰ নেতৃত্বানীয়া মহিলাৱা মফস্বলে গিয়াও সত্যাগ্রহ প্ৰচাৰে লিপ্ত হইয়াছিলেন। মফস্বলে বিভিন্ন জেলায় নারীগণ লবণ-আইন ভঙ্গে লিপ্ত হইয়া পড়েন। মেদিনীপুৰ বাঁকুড়া ঢাকা কুমিল্লা ও শ্ৰীহট্টে নারীৱা সংঘবন্ধ ভাবে কাৰ্য কৱিতে গিয়া পুলিসেৱ হত্তে নিগৃহীত হন। মেদিনীপুৱেৱ কাঁথীতে এই সময় যেসব অনাচাৰ

অঙ্গুষ্ঠিত হয়, তাহার অঙ্গুষ্ঠানের জন্য উদারনৈতিক নেতা ষষ্ঠীজ্ঞানাথ বসুর সভাপতিত্বে একটি বেসরকারী অঙ্গুষ্ঠান কমিটি গঠিত হইয়াছিল। তাহাদের রিপোর্ট সরকার প্রকাশ করিতে দেন নাই। তবে দিল্লীর আইন-সভায় শ্রীযুক্ত ক্ষিতীশচন্দ্র নিরোগী স্বীয় পদাধিকার-বলে রিপোর্ট হইতে যেসকল অংশ উদ্ধৃত করিয়া বক্তৃতা দেন তাহা হইতে জানা যায় যে, সরকারী অনাচার হইতে ঐ অঞ্চলের নারীগণও বাদ যান নাই। শ্রীযুক্ত ক্ষেমকুমারী বায় ও নিষ্ঠারিণী দেবী সহ জ্যোতির্ময়ী গঙ্গোপাধ্যায় তমলুক মহকুমার নরঘাটে গিয়া ম্যাজিস্ট্রেট প্যাডির অত্যাচারের নমুনা স্বচক্ষে প্রত্যক্ষ করেন, এবং ‘মডার্ণ রিভিউ’ মাসিকের ১৯৩০ মে সংখ্যায় “Another Crucifixion” শীর্ষক প্রবন্ধে তাহ সবিস্তারে প্রকাশ করিয়াছিলেন। সত্যাগ্রহ আন্দোলনে মেদিনীপুর হইতে মহিলাগণ কারাবরণ করেন। এই প্রসঙ্গে সত্যবালা দেবী ও মাতঙ্গিনী হাজৰার নামোন্নেথ করিতে হয়।

ঢাকার সরমা গুপ্তা ও আশালতা সেন, বাঁকুড়ার স্বরমা ও স্বষ্মা পালিত, কুমিল্লার হেমপ্রভা মজুমদার প্রভৃতির নেতৃত্বে সেই সেই স্থানের মহিলারা সত্যাগ্রহ করিয়া কারাবরণ করেন। কুমিল্লার শ্রীযুক্ত লাবণ্যলতা চন্দ পুলিসের অত্যাচারের প্রতিবাদে সরকারী শিক্ষা-বিভাগ হইতে শিক্ষিয়ত্বী পদে ইস্তফা দিয়াছিলেন। উত্তর-বঙ্গের নারীগণ সত্যাগ্রহে যোগদানে সমান তৎপর হইয়াছিলেন। এইরূপে বাংলার দিকে দিকে নারীসমাজ মহাআন্তর্গত নির্দেশ পালন করতঃ আন্দোলনকে সার্থক করিয়া তুলিতে সচেষ্ট হইলেন।

বিপ্লব-কার্য

স্বত্ত্বাষচন্দ্রের অঙ্গুষ্ঠানায় অঙ্গুষ্ঠিত যুব-সম্মেলন নারী-সম্মেলন ছাত্র-সম্মেলন প্রভৃতির উদ্দেশ্য ছিল ভারতবাসীরা যাহাতে দেশমধ্যে স্বাধীনতার মনোভাব ছড়াইয়া দিয়া একটি সত্যকার বিপ্লবের আয়োজন করিতে পারে। ‘চট্টগ্রাম অস্ত্রাগার লুঠন’ (১৮ এপ্রিল ১৯৩০) মামলার কৌসলী ল্যাংফোর্ড জেমস স্পষ্টই

বঙ্গিয়াছিলেন যে, ১৯৩০ সনের প্রাকালে চট্টগ্রামে স্বত্ত্বাষচন্দ্র বস্তু, কিরণশঙ্কর রায়, লতিকা ঘোষ বিভিন্ন সম্মেলন অনুষ্ঠান করিয়া এই বিপ্লবী কার্যে সেখানকার যুবকদের প্ররোচিত করিয়াছিলেন। বস্তুত তখন যুবক ও তরুণীদের মধ্যে দেশের মুক্তির জন্য একটা অদম্য উৎসাহ ও প্রেরণা দেখা গিয়াছিল। মহাআগামীর আইন-অমান্ত্র আন্দোলনে তরুণীগণ ও যোগ দিয়াছিলেন বটে, কিন্তু এক-দিকে যেমন সরকারী অনাচার ও নির্গত বাড়িয়া ঘাইতেছিল তেমনি অন্তর্দিকে তাহারা ইহার প্রতিকারার্থ দৃঢ়প্রতিজ্ঞ হইতেছিলেন। কলিকাতার শ্রীসংঘ এবং ঢাকার দীপালী সংঘ এই সময় তরুণীদের বিপ্লবী কার্যে উন্মুক্ত করিতেছিল। ১৩৩৮ সনের বৈশাখ মাসে লীলা নাগের সম্পাদনা ও পরিচালনায় ‘জয়শ্রী’ নামক মাসিক পত্রিকা ঢাকা হইতে বাহির হইল। ইহার পরিচালক ও লেখক-গোষ্ঠী সমুদয়ই মহিলা। এখানি নারীদের আত্মশক্তিতে উন্মুক্ত করিয়া তাহাদের মধ্যে বিপ্লব-কার্যের প্রচার শুরু করিয়া দিল।

নারীগণ তাহাদের কার্যে অনুশীলন এবং যুগান্তর এই দুই বিপ্লবী দলের কাহারো না কাহারো নিকট হইতে উৎসাহ ও উপদেশ পাইয়া আসিতেছিলেন। এই দুই দল হইতে ছোট ছোট অংশ শুধু কলিকাতায়ই নহে, ঢাকা চট্টগ্রাম কুমিল্লা বরিশাল প্রভৃতি মফস্বল শহরেও গঠিত হয়। তাহাদের দলে স্কুল ও কলেজের, বিশেষ করিয়া কলেজের ছাত্রীরা প্রবেশ করিতে লাগিলেন। ছাত্রীগণ নিজ নিজ হোস্টেলে বা মেসে গোপনে ক্লাব স্থাপন করিতেন, বন্ধুদের সঙ্গে নিদিষ্ট পার্কে মিলিত হইতেন এবং নিজ নিজ দলের আদর্শ অনুযায়ী আলোচনায় লিপ্ত হইয়া পড়িতেন। তাহারা ১৯৩১ সনের পূর্বে কার্যত কিছুই করেন নাই; অবশ্য কেহ কেহ বিপ্লবী যুবকদের অন্ত সংগ্রহ ও আদান-প্রদানে সাহায্য করিতেন। কলিকাতায় বীণা দাস (এখন ভৌমিক), কুমিল্লার শাস্তি ঘোষ (এখন দাস) ও সুনীতি চৌধুরী, চট্টগ্রামে কল্পনা দত্ত ও প্রীতিলতা ওয়াদেদার, বরিশালে প্রথম মহিলা ইশান-কলার শাস্তিশুধা ঘোষ এবং আরও অনেক তরুণী নানা দলে বিভক্ত হইয়া বিপ্লবী কার্যে অগ্রসর হইলেন।

চট্টগ্রামের অস্ত্রাগার লুঠনের পরে স্বত্ত্বাষচন্দ্রের ভাবাদর্শ অহুয়ায়ী কাজ হওয়ার আর সম্ভাবনা ছিল না। সরকার বিপ্লবীদের দমনে কঠোর নীতি অবলম্বন করিলেন। পূর্বে কেহ ভাবিতেও পারে নাই যে, তরুণী ও অল্পবয়স্ক ছাত্রীরাও একুপ কার্যে কথনও লিপ্ত হইবে। তাই বখন কুমিল্লার ম্যাজিস্ট্রেট-হত্যার সংবাদ প্রচারিত হইল তখন সকলেই হকচকিয়া গেল। কুমিল্লার বালিকা-বিদ্যালয়ের নবম শ্রেণীর ছাত্রী ঘোড়শবর্ষীয়া শ্রীমতী শান্তি ঘোষ এবং চতুর্দশবর্ষীয়া শ্রীমতী সুনীতি চৌধুরী ১৯৩১ সনের ১৪ ডিসেম্বর সকাল ১০টার সময় ম্যাজিস্ট্রেট স্টিভেন্সের সঙ্গে সাক্ষাৎ করিবার ছলে তাঁহাকে গুলি করেন। গুলির আঘাতে স্টিভেন্স সেখানেই মারা যান। শান্তি ও সুনীতিকে তখন-তখনই গ্রেপ্তার করা হইল। কলিকাতায় স্পেশাল ট্রাইবুনালের বিচারে তাঁহারা অল্প-বয়স্ক বিধায় ধাবজ্জীবন কারাদণ্ডে দণ্ডিত হইলেন। স্টিভেন্স-হত্যার পনের দিনের মধ্যেই দৌপালী সংঘের লীলা নাগ এবং তাঁহার কলিকাতা ও ঢাকার সহকর্মিগণ ধৃত হইয়া রাজবন্দীরূপে (detenu) আটক হইলেন। সন্দেহবশে মেয়েদের আটক করা এই বোধ হয় প্রথম। সংঘের মুখ্যপত্র ‘জয়শ্রী’ও বিপ্লবী রাজনীতি প্রচারের ওজুহাতে সরকার বন্ধ করিয়া দিলেন। এই প্রসঙ্গে আরও উল্লেখযোগ্য যে, ‘জয়শ্রী’ পরেও বহু বার এইরূপ বন্ধ করিয়া দেওয়া হইয়াছিল, এবং বিভিন্ন সম্পাদিকাগণ অনেকে কারাবরণ ও করিয়াছিলেন।

কুমিল্লার ব্যাপারের পর মাত্র দুই মাসের মধ্যেই কলিকাতায়ও মহিলাদের দ্বারা বিপ্লবী কার্য সংঘটিত হইল। ১৯৩২ সনের ৬ ফেব্রুয়ারি কলিকাতা বিশ্ববিদ্যালয়ের সমাবর্তন উৎসব। স্বধীমণ্ডলীর মধ্যে চ্যাঙ্গেলার রূপে গবর্নর জ্যাকসন উপবিষ্ট। উপাধি-বিতরণ কালে বি-এ উপাধিধারিণী বীণা দাস জ্যাকসনকে লক্ষ্য করিয়া গুলি ছুড়লেন। অন্নের জন্য গুলি লক্ষ্যবিক্ষ হইতে পারে নাই। ইহা লইয়া শুধু সমাবর্তনস্থল—সিনেট হাউসেই নয়, শহরময় ভৌমণ চাঁপল্য উপস্থিত হইল। বলা বাহুল্য, বীণা দাসকে তৎক্ষণাৎ গ্রেপ্তার করা হয়। সরাসরি বিচারে তাঁহার নয় বৎসর সশ্রম কারাদণ্ড হইল। ইহার পর হইতে

বিপ্লবী কার্যে লিপ্ত সন্দেহে বহু মহিলাকে বিনা বিচারে বন্দী করিয়া রাখা হইল। কেহ কেহ বিপ্লবী কার্য করিতে গিয়া ধৰা পড়িয়া দণ্ডিত হইলেন। এই শ্রেণীর মহিলাদের মধ্যে কমলা চট্টোপাধ্যায়, শোভারাণী দত্ত, উজ্জলা দেবী, পারুল মুখোপাধ্যায়, বিমলপ্রতিভা দেবী, মায়া দেবী, জ্যোতিকণা দাস, বনলতা দাস, রেণুকা সেন, প্রফুল্ল ব্ৰহ্ম প্রভৃতিও ছিলেন। বৱিশালের শান্তিস্থাঘোষ ‘গ্ৰিওলে ব্যাঙ্ক কেস’ নামক রাজনীতিক ষড়যন্ত্ৰ মামলায় ধৃত হন। তিনি ঐ মামলা হইতে মুক্ত হইলেন বটে, কিন্তু তাহাকে পুনৰায় বঙ্গীয় ফৌজদারি আইন অনুসারে বৱিশালে স্বীকৃত অন্তরীণ কৰা হয়।

‘চট্টগ্রাম অস্ত্রাগার লুঠনে’র পরে চট্টগ্রামে বিপ্লবী দল ও সরকারের মধ্যে প্রায় তিনি বৎসর যাবৎ শক্তি-পৱৰীক্ষা চলিতেছিল। সরকারী অত্যাচার উৎপীড়ন নিগ্রহের অবধি ছিল না বটে, কিন্তু তাহার মধ্যেও বিপ্লবীরা নিজ কার্য চালাইয়াছিলেন। তাহাদের এই কার্যে তথাকার নারীরাও অনেক বিষয়ে সহায় হন। আৱ এজন্য তাহাদের কম পীড়ন সহ করিতে হয় নাই। চট্টগ্রামের নারী বিপ্লবীদের মধ্যে সর্বপ্রধান ছিলেন কল্পনা দত্ত ও প্ৰীতিলতা ওয়াদেদাৰ। কল্পনা ১৯২৯ সনেই চট্টগ্রাম বিপ্লবীদের সংস্পর্শে আসেন, কিন্তু ১৯৩১ সনেৱে পূৰ্বে প্ৰীতি ইহাতে কাৰ্যত যোগদান কৰেন নাই। এই সনেৱে জুন মাসে তিনি চট্টগ্রাম-বিপ্লবী দলেৱ নেতা ‘মাস্টাৱ-দা’ বলিয়া পৰিচিত সুৰ্যকুমাৰ সেনেৱ সঙ্গে সাক্ষাৎ কৰিলেন। কল্পনা চট্টগ্রামেৱ পাহাড়তলীতে পুৱৰ্বেৱ ছদ্মবেশে গমন কালে ধৃত হন। পুলিসেৱ চক্ষে ধূলা দিয়া ফেৱাৰী হইয়াও তিনি পুনৰায় গ্ৰেপ্তাৰ হইলেন। ১৯৩৩ সনে বিশেষ ট্ৰাইবুনালে সুৰ্যকুমাৰ সেন ও তাৱকেশৱ দণ্ডিদাৱেৱ সঙ্গে কল্পনাৰ বিচাৰ হইল। প্ৰথমোক্ত দুই জনেৱ ফাসিৰ হৃকুম হইল। নারী ও অল্পবয়স্কা বলিয়া কল্পনাৰ হয় যাৰজীবন দীপাস্তৱ।

প্ৰীতিলতা ওয়াদেদাৰ সুৰ্যকুমাৰেৱ সংস্পর্শে আসেন ১৯৩২ সনেৱ মে মাসে। তিনি অল্পকালেৱ মধ্যে অসীম ধৈৰ্য, বুদ্ধিমত্তা ও বীৱত্বেৱ পৰিচয় দিতে পাৱিয়াছিলেন। ১৯৩২ সনেৱ ২৪ সেপ্টেম্বৰ চট্টগ্রামেৱ পাহাড়তলী আক্ৰমণে

নেতৃত্ব করিতে গিয়া প্রিতিলতা মৃত্যুমুখে পতিত হন। শক্রহস্তে পড়িবার আশঙ্কায় তিনি পটাশিয়াম সাম্যানাইড খাইয়াছিলেন। প্রিতিলতা স্বর্বকূমারের সঙ্গে পরিচিত হইবার পূর্বেই বিপ্লবী ভাবের ভাবুক হন। প্রাণদণ্ডে দণ্ডিত রামকৃষ্ণ বিশ্বাসের সঙ্গে আলৌপুর জেলে চলিশ বার তিনি ‘ভগিনী’ বলিয়া পরিচয় দিয়া সাক্ষাৎ করিয়াছিলেন। তখন তিনি বি-এ ক্লাসের ছাত্রী। চট্টগ্রাম—ধলঘাটের সাবিত্রী দেবী বৃক্ষ, নিরক্ষরা। তিনি বিপ্লবীদের আশ্রয়-দানের ওজুহাতে বিশেষভাবে নিগৃহীত হন। তাহাকে কারাদণ্ডও ভোগ করিতে হইয়াছিল। চট্টগ্রাম-বিপ্লবীদের আশ্রয় দিয়া স্বহাসিনী গঙ্গোপাধ্যায় অশেষ দুঃখ ও লাঙ্ঘনা ভোগ করেন। চট্টগ্রামের অন্তম বিপ্লবী অনন্ত সিংহের ভগিনী ইন্দুমতী সিংহকেও ভীষণ উৎপীড়ন সহ করিতে হইয়াছিল। স্বহাসিনী ও ইন্দুমতীকে সরকারের কারাগারে আটক থাকিতে হয়।

কর্তব্য ও দায়িত্ব

শিক্ষিত-অশিক্ষিত নিবিশেষে শহুর ও পল্লীবাসিনীরা রাষ্ট্রীয় আন্দোলনে ক্রমশ অধিক সংখ্যায় কায়মনে ঘোগ দিতে থাকেন। কংগ্রেসের উচ্চতম কর্ম-পরিষদে সরোজিনী নাইডু ১৯২৫ সন হইতে সদস্যরূপে কার্য করেন। ১৯৩১ সনের গান্ধী-আইন চুক্তির পর মহাত্মা গান্ধী কংগ্রেস পক্ষে লঙ্ঘনস্থ দ্বিতীয় গোল-টেবিল বৈঠকে যথন ঘোগদান করিয়াছিলেন তখন সরোজিনী নাইডু ভারতীয় নারীসমাজের মুখপাত্রী স্বরূপ উহার অন্তম সদস্য মনোনীত হইয়া যান। ১৯৩২ সনে দ্বিতীয় আইন-অমাত্য বা সত্যাগ্রহ আন্দোলনেও বঙ্গনারীগণ অনেকে কারাবরণ করিয়াছিলেন। দ্বিতীয় সত্যাগ্রহ আন্দোলনে সরকার কর্তৃক বেআইনী ঘোষিত কংগ্রেসের বার্ষিক অধিবেশন ১৯৩৩ সনে কলিকাতায় অনুষ্ঠিত হয় এবং ইহার সভাপতিত্ব করেন শ্রীযুক্ত নেলী সেনগুপ্ত। এ অধিবেশন নামেমাত্র হইতে পারিয়াছিল। এই বৎসরেই (১৯৩৩) জ্যোতির্ময়ী গঙ্গোপাধ্যায় এবং কুমুদিনী বসু স্বদেশ-সেবা তথা রাষ্ট্রীয় ও সমাজ-

কল্যাণ কার্যের স্বীকৃতি প্রক্রপ করপোরেশনের সাধারণ নির্বাচনে কলিকাতার নাগরিকবৃন্দ কর্তৃক সদস্য নির্বাচিত হইয়াছিলেন। ইহার পরে শ্রীযুক্ত হেমপ্রভা মজুমদারও করপোরেশনের অল্ডারম্যান হন।

১৯৩৫ সনের ভারত-শাসন আইন অনুযায়ী নারীদের ভোটাধিকার-ক্ষমতা প্রসারিত হইল। বিভিন্ন ব্যবস্থা-পরিষদে একমাত্র নারীদের ভোটে নারী-সদস্য নির্বাচিত হইবার অধিকার এবাবে পাওয়া গেল। এই আইন অনুযায়ী প্রথম সাধারণ নির্বাচন হইল ১৯৩৭ সনের জানুয়ারি-ফেব্রুয়ারি মাসে। ঢাকা হইতে শ্রীযুক্ত হেমপ্রভা মজুমদার পরিষদের সদস্য নির্বাচিত হইলেন। অগ্রান্ত নারী-কেন্দ্র হইতেও নারীগণ যথারীতি নির্বাচিত হইয়া আসেন। কংগ্রেস এগারোটির মধ্যে ছয়টি প্রদেশে নির্বাচনে জয়লাভ করেন। তবে অল্পকাল ব্যবধানে আটটি প্রদেশেই মন্ত্রীসভা গঠন করিতে সক্ষম হন। মন্ত্রীসভায় কোনো কোনো প্রদেশে মহিলা-মন্ত্রী স্থান পাইলেন, কোনো কোনো ব্যবস্থা-পরিষদে তাঁহারা স্পীকার বা ডেপুটী-স্পীকার হইলেন। কিন্তু বঙ্গে কংগ্রেস সংখ্যালঘু থাকায় নারীর পক্ষে এক্রপ কোনো পদাধিকারের সন্তান ছিল না। তথাপি তাঁহারা সংগঠন-কর্মের মধ্যে নিজ পথ খুঁজিয়া লইলেন।

একথা বলিবার পূর্বে আর একটি বিষয়ের দিকে আমাদের দৃষ্টি ফিরাইতে হয়। বাংলাদেশের বহু যুবক ও তরুণী আইন-অমান্ত্র আন্দোলনের পর হইতে বিপ্লবাত্তুক কর্মে লিপ্ত থাকার সন্দেহে বিনা বিচারে বন্দী বা আটক হইয়াছিলেন। আবার অনেকে বিচারালয়ের বিচারে দীর্ঘকালের মেয়াদে কারাদণ্ডও ভোগ করিতেছিলেন। নৃতন আইন প্রবর্তনের (এপ্রিল ১৯৩৭) কিছুকাল পরেই মহাত্মা গান্ধী বাংলায় আগমন করেন। তখন বাংলার মন্ত্রীসভায় মুসলমান দলের প্রাধ্যাত্মক রাজবন্দী ও কারাদণ্ডিত বন্দীদের মুক্তিদানকলে মহাত্মাজী তাঁহাদের এবং উত্তর্তন কর্তৃপক্ষের সঙ্গে কিছুকাল আলাপ-আলোচনায় রত থাকেন। ইহার ফলে উভয় শ্রেণীর বন্দী প্রায় সকলেই একে একে থালাস পাইলেন। নারীবন্দী ও কারাদণ্ডিতারাও এই সময়ে মুক্তিপ্রাপ্ত হন। এখানে

উল্লেখযোগ্য যে, নারীদের এবং বিশেষ করিয়া চট্টগ্রামের বিপ্লব-আন্দোলনে লিপ্তা ও দণ্ডিতা শ্রীযুক্তা কল্পনা দত্তের কারামুক্তির ব্যাপারে কবিগুরু রবীন্দ্রনাথ ঠাকুর এবং দীনবন্ধু সি. এফ. অ্যানড্রুজও যথেষ্ট চেষ্টা করিয়াছিলেন। এই সকল মহিলার কেহ কেহ তাঁহাদের বিপ্লবী কার্যের ও কারাবাস-কালের কাহিনী লইয়া ইদানীং পৃষ্ঠকাদি লিখিয়াছেন।

মুক্তিলাভের পর বহু মহিলা বিপ্লবী কংগ্রেসের কাজে আত্মনিয়োগ করেন। অপেক্ষাকৃত তরুণ নারী কর্মীরা কংগ্রেসেরই আশ্রয়ে ‘কংগ্রেস উইমেন্স লীগ’ প্রতিষ্ঠায় তৎপর হন। ইহার প্রধান উদ্দেশ্য ছিল কংগ্রেসের সংগঠন কর্মে নিজেদের নিয়োজিত করা। প্রাদেশিক এবং নিখিল-ভারতীয় কংগ্রেস প্রতিষ্ঠানেও তাঁহারা অধিক সংখ্যায় স্থান লাভ করিলেন। স্বভাষচন্দ্রের সভাপতিত্বকালে কংগ্রেস দেশের বিশেষজ্ঞদের লইয়া একটি ‘গ্রাশনাল প্ল্যানিং কমিটি’ বা জাতীয় পরিকল্পনা সমিতি গঠন করেন। ইহাতে নারীদের স্থানও স্বনির্দিষ্ট ছিল। শ্রীযুক্তা লীলা রায় (পূর্বেকার লীলা নাগ) ইহার নারী সাব-কমিটির সদস্য পদে নিযুক্ত হন। বাংলাদেশের শাখা-কমিটির আহ্বায়কও ছিলেন তিনি। স্বভাষচন্দ্রের দ্বিতীয় বার (১৯৩৯) কংগ্রেস-সভাপতিত্ব লইয়া বিরোধ বাধিলে, শ্রীযুক্তা লীলা স্বভাষচন্দ্রেরই অনুবর্তী রহিয়া গেলেন। স্বভাষচন্দ্র ফরওয়ার্ড ব্লক গঠন করিলে লীলা রায় প্রমুখ তাঁহার অনুসরণকারীগণ ইহাতে ঘোগ দিলেন। স্বভাষচন্দ্র পরিচালিত বঙ্গীয় প্রাদেশিক কংগ্রেস কমিটি কংগ্রেসের উচ্চতম কর্তৃপক্ষ কর্তৃক বাতিল হইয়া যায় এবং কার্য পরিচালনার জন্য তাঁহারা ‘অ্যাড হক কমিটি’ গঠন করেন। এইবারে নারীগণ দ্বিধাবিভক্ত হইয়া কেহ কেহ স্বভাষচন্দ্রের পক্ষে পুরাতন কংগ্রেস কমিটির সহিত যুক্ত রহিলেন। ইহাদের মধ্যে শ্রীযুক্তা হেমপ্রভা মজুমদার ও শ্রীযুক্তা লীলা রায় বিশেষ প্রভাব-শালিনী ছিলেন। স্বভাষচন্দ্রের ভারত-ত্যাগের (জানুয়ারী ১৯৪১) পর হেমপ্রভা বাতিল কংগ্রেস কমিটির ‘ডিক্টেটর’ বা ‘সর্বাধিনায়ক’ হন।

ফরওয়ার্ড ব্লকের কার্যে স্বভাষচন্দ্র শ্রীযুক্তা লীলা রায়কে ঘোগ্য সহকর্মী

ক্রপে পাইয়াছিলেন। সেই সময়কার রাষ্ট্রীয় সভা-সমিতিতে তাঁহার সঙ্গে লীলা রায়ও প্রায়ই ঘোগদান করিতেন। ১৯৪০, ২ জুলাই ‘হলওয়েল স্মিস্টন’-বিদূরণ সম্পর্কীয় আন্দোলনে স্বত্ত্বাষচন্দ্র ধৃত হইলে ‘ফরওয়ার্ড ব্লক’ পত্রিকার সম্পাদকীয় ভার শ্রীযুক্ত লীলা রায়ের উপর পতিত হইল। উক্ত আন্দোলনে তিনি ঘোগ দিয়াছিলেন। কুড়ি জন সহকর্মীর সঙ্গে শ্রীযুক্ত লীলা রায় প্রেসিডেন্সী জেলে ‘নিরাপত্তা বন্দী’ হন। পরে তাঁহাদিগকে মুক্তি দেওয়া হইয়াছিল। স্বত্ত্বাষচন্দ্রের ভারতত্যাগের পরে রায়-মহোদয়া সমগ্র ভারতে ‘ফরওয়ার্ড ব্লক’ স্বদৃঢ় ভিত্তির উপর প্রতিষ্ঠিত করিতে তৎপর হন। দ্বিতীয় মহাসমর কালে স্বত্ত্বাষচন্দ্রকে সরকারপক্ষীয়েরা ‘ফাসিস্ট’ বলিয়া আখ্যাত করায় রায়-জায়া সংবাদপত্রে কতকগুলি প্রবন্ধ লিখিয়া ইহার উপযুক্ত জবাব দেন। ১৯৪২ সনের এপ্রিল মাসে তাঁহাকে গ্রেপ্তার করিয়া রাজবন্দী করা হইল। পূর্বোক্ত ‘অ্যাড হক কমিটি’র সঙ্গে যুক্ত থাকিয়া শ্রীযুক্ত বীণা দাস প্রমুখ মহিলাগণ কংগ্রেসের কার্যে আত্মনিয়োগ করিলেন। তিনি দক্ষিণ-কলিকাতা কংগ্রেস কমিটির কাজে বিশেষ কৃতিত্ব দেখাইয়াছিলেন। ‘অ্যাড হক কমিটি’ ও নিখিল-ভারত কংগ্রেস কমিটিরও তিনি সদস্য হন।

আগস্ট-বিপ্লব ১৯৪২

অসহযোগ আন্দোলন এবং আইন-অমাত্ত বা সত্যাগ্রহ আন্দোলনকে ছাপাইয়া যায় ১৯৪২ সনের আগস্ট-বিপ্লব। এই বৎসরের ৭ ও ৮ আগস্ট তারিখে বোম্বাই শহরে নিখিল-ভারত কংগ্রেস কমিটির অধিবেশনে এই মর্মে একটি প্রস্তাব গৃহীত হয় যে, ইংরেজ কর্তৃপক্ষ এ দেশ হইতে চলিয়া যাউক, আমরা যুক্তকার্যে তাঁহাদিগকে কোনোমতেই সাহায্য করিব না, আমরা আত্ম-শক্তির উপর দাঢ়াইয়া বিপক্ষদলের সঙ্গে লড়িব। বলা বাহ্য, মহাআন্ত্ব গান্ধীই কংগ্রেসে এই প্রস্তাব আনয়ন করেন। প্রস্তাবটি ৮ তারিখে গৃহীত হইবার পরই বাত্রিশেষে মহাআন্ত্ব গান্ধী ও ওয়ার্কিং কমিটির সদস্যগণসহ বহু নেতা সরকার

কর্তৃক আটক হইলেন। তাহাদিগকে অজ্ঞাত স্থানে লইয়া ধাঁওয়া হইল। ইহার দুই-এক দিনের মধ্যে ভারতের সর্বত্র ধরপাকড় শুরু হইল এবং নেতৃস্থানীয় কংগ্রেসী মাত্রেই কারাবন্দ হইলেন। মহিলা নেতৃগণও ইহা হইতে বাদ পড়িলেন না। ওয়াকিং কমিটির একমাত্র নারী সদস্যা সরোজিনী নাইডু প্রথম দিনেই মহাআজীর সঙ্গে গ্রেপ্তার হইয়াছিলেন। এই সময় সমগ্র ভারতব্যাপী যে স্বতঃস্ফূর্ত স্বাধীনতা-আন্দোলন উপস্থিত হইল, তাহাই পরে ‘আগস্ট-বিপ্লব ১৯৪২’ নামে অভিহিত হইয়াছে।

বাংলাদেশের সর্বত্র এই বিপ্লব ছড়াইয়া পড়িলেও মেদিনীপুরেই ইহা নিবিড় ভাবে আরম্ভ হয়। এই জেলার তমলুক অঞ্চলে ও কাঁথিতে ‘জাতীয় সরকার’ স্থাপিত হইয়াছিল। বাংলার তৎকালীন প্রধানমন্ত্রী ফজলুল হক বলিয়াছিলেন, ‘মেদিনীপুরে ব্রিটিশ শাসন অস্তর্হিত হইয়াছে।’ মেদিনীপুরে নারীগণ অন্তুত বীরত্ব প্রদর্শন করেন। মাতঙ্গিনী হাজরার নামোন্মেথ ইতিপূর্বে আমরা করিয়াছি। বার্ধক্য হেতু তিনি ‘গাঙ্কৌ-বুড়ৌ’ নামে তখন আখ্যাত হইয়াছিলেন। তিনি পল্লী হইতে তমলুক শহরে আগত একটি শোভাধাত্রা পরিচালনা-কালে সৈনিকের গুলিতে নিহত হন।^{১৮} তখন তাহার বয়স তিয়াত্তর বৎসর।

১৮ এই ঘটনা সম্বন্ধে লিখিত হইয়াছে:

“From the north, entered another procession under the leadership of the veteran congress worker Sm. Matangini Hazra, aged 73. They encountered the soldiers under the command of Sj. Anil Kumar Bhattacharyya. They had to withdraw to some distance on being attacked by the soldiers at the narrow entrance by the side of the ‘Ban Pukur.’...Then our soldiers of freedom led by Sm. Matangini Hazra again encountered the Government troop, who opened fire and continued showering bullets for a long time. Sm. Matangini held the National Flag firmly and advanced. The Government troop first hit her on both hands. Her hands dropped, but not the National Flag, which she still held tight and advanced, requesting the Indian troop to cease firing and to give up the jobs and join the Freedom Movement. She received a reply—a bullet which ran right through the forehead and she fell dead.

মৃত্যুকালেও জাতীয় পতাকা তাহার হস্তচূড় হয় নাই। মেদিনীপুরের আরও বহু মহিলা সৈনিকের গোলাগুলি অগ্রাহ করিয়া মৃত্যুপণপূর্বক আহত জাতীয় কর্মীদের সেবায় রত হইয়াছিলেন। মেদিনীপুরের গ্রাম বৌরভূমের অন্তর্গত শাস্তিনিকেতন অঞ্চলেও মহিলা কর্মীরা আগস্ট-বিপ্লবকে সার্থক করিবার উদ্দেশ্যে জনগণের মধ্যে প্রচার ও গঠনমূলক কার্যে নিয়োজিত হন। কবিশুরু রবীন্দ্রনাথের দৌহিত্রী শ্রীযুক্তা নন্দিতা দেবী এবং শ্রীযুক্তা রানী চন্দ এই অঞ্চলে বিপ্লবে যোগদান হেতু কারাকান্দ হইলেন। শ্রীযুক্তা চন্দ কারাবাসের কাহিনী একথানি পুস্তকে^{১৯} মনোজ্জ ভাষায় লিপিবদ্ধ করিয়াছেন।

এদিকে কলিকাতায়ও বিপ্লব জাঁকিয়া উঠার সঙ্গেসঙ্গে বহু নারী কারাকান্দ হইলেন। দক্ষিণ-কলিকাতা কংগ্রেসের সম্পাদক শ্রীযুক্তা বীণা দাস (এখন ভৌমিক) কারাগমন করিলেন। কংগ্রেস-নেতারা প্রায় সকলেই কারাকান্দ বা আটক হইলেন। শ্রীযুক্তা লাবণ্যপ্রভা দ্বি ‘অ্যাড হক’ কংগ্রেস কমিটির সভাপতি হইয়াছিলেন। আগস্ট-বিপ্লবে ফরওয়ার্ড ব্লক এবং সমাজতন্ত্রী দলেরও ক্রতিত্ব কম নয়। ফরওয়ার্ড ব্লক কংগ্রেস-বহিভূত দল হইলেও বিপ্লবের আদর্শ তাহারা বহু পূর্বেই গ্রহণ করিয়াছিলেন। কাজেই তাহারাও ইহাতে যোগ দিতে পশ্চাত্পদ হন নাই। সমাজতন্ত্রী দল কিন্তু তখন কংগ্রেসের অন্তর্ভুক্ত থাকিয়া কাজ করিতেন। তাহারা পুলিস ও সেনাবাহিনীর শেনদৃষ্টি এড়াইয়া সংগোপনে বিপ্লব-কার্য চালাইতে লাগিয়া যান। এই দলের নেতৃবর্গের মধ্যে প্রধানা ছিলেন শ্রীযুক্তা অরুণ আসফ আলী। তিনিও একজন বঙ্গমহিলা, তাহার পিতৃনিবাস বরিশালে। বিবাহের পূর্বে তাহার নাম ছিল অরুণা গঙ্গোপাধ্যায়। তাহার নামে গ্রেপ্তারি পরোয়ানা বাহির হইলে

As she lay there in the dust sanctified by her blood, the National Flag was still in her grip, yet flying unsullied.” —August Revolution : Two years' National Government : Midnapur, pp. 22-3.

তিনি পুলিসের হাতে ধরা দেন নাই। তাহার সহোদরা উত্তর-প্রদেশের খ্যাতনামা কংগ্রেসকর্মী পরলোকগত পূর্ণিমা বন্দেয়াপাধ্যায়ও পুলিসের চক্ষে ধুলা দিয়া বাংলাতেই অবস্থান করিতেছিলেন। শ্রীযুক্ত অরুণ সমাজতন্ত্রী-নেতা ডক্টর রামমনোহর লোহিয়ার সঙ্গে গোপনভাবে ‘ইন্কিলাব’ ('বিপ্লব') নামক একখনী সংবাদপত্রও সম্পাদন করিতেন। সহোদরা পূর্ণিমা সহ তিনি ছদ্মবেশে বাংলা ও আসাম বারবার পরিক্রমা করেন।

১৯৪৬ সনের জানুয়ারি নাগাদ শ্রীযুক্ত অরুণার উপর হইতে পরোয়ানা তুলিয়া লওয়া হয়। তিনি সর্বপ্রথম কলিকাতায় দেশবন্ধু পার্কের বিরাট জনসভায় আত্মপ্রকাশ করেন। এই দিনের বক্তৃতায় তিনি পঞ্চাশের মন্ত্রণালয়ের সময় কলিকাতায় মৃত ও মুমুক্ষু নারী এবং শিশুর যে মর্মস্তুদ বর্ণনা দেন তাহা অনেকের মনে বিশ্বায়ের উদ্রেক করে। ডাঃ শ্রীযুক্ত মৈত্রেয়ী বশ কংগ্রেসের আদর্শের প্রতি বরাবরই শুক্রান্তিতা। তিনি আগস্ট-বিপ্লবকালে অর্থসংগ্রহ দ্বারা কংগ্রেসকে বিশেষভাবে সাহায্য করেন। বর্তমানে শ্রমিক আন্দোলনের সহিত তিনি যুক্ত রহিয়াছেন। এই যুগে কয়েকজন প্রবাসী কৃতী বঙ্ককন্তার নামও উল্লেখ করিতে হয়। উড়িষ্যার বিখ্যাত কংগ্রেস-নেতা এবং বর্তমান প্রধানমন্ত্রী শ্রীযুক্ত নবকুষ্ঠ চৌধুরীর সহধর্মী শ্রীযুক্ত মালতী চৌধুরী আগস্ট-বিপ্লবকালে বিশেষ সাহস ও বীরত্বের পরিচয় দেন। তিনি কিছুকাল উড়িষ্যা প্রাদেশিক কংগ্রেস কমিটির সভাপতির আসনও অলংকৃত করিয়াছিলেন। আচার্য কৃপালনীর পত্নী শ্রীযুক্তা স্বচেতা কৃপালনী এবং শ্রীযুক্ত আশা অধিকারীর (এখন আর্যনায়কম) কার্যকলাপও আমাদের ভুলিবার নয়। এমন বহু মহিলা আগস্ট-বিপ্লবে আত্মান করিয়াছেন যাহাদের কথা আমাদের জানা নাই। তাহারাও আমাদের নমস্ক।

আগস্ট-বিপ্লবের পরে

আগস্ট-বিপ্লব দমনে সরকারের বিশেষ স্ববিধা হইল। তখন যুদ্ধকার্যের জন্য বঙ্গের নানাস্থানে ঘাঁটি করিয়া সৈন্যসামগ্র্য ছড়াইয়া দেওয়া হইয়াছিল। এবার

পুলিসের সঙ্গে সামরিক শক্তি ও উহা দমনে প্রযুক্ত হয়। এই বিপ্লব দমনে কর্তৃপক্ষ মেদিনীপুরের ঝড়ের মত নৈসর্গিক বিপর্যয়ের স্থিতি লইতেও ক্ষান্ত হন নাই। ইহার উপর আসিল পঞ্চাশের মন্ত্রণ। ইহাকে যে ‘man-made’ বা মনুষ্য-কৃত দুর্ভিক্ষ বলা হইয়াছে তাহার মূলে যথেষ্ট কারণ রহিয়াছে। জাপানী আক্রমণ প্রতিরোধকল্পে পূর্ব হইতেই বাংলার পূর্বাঞ্চল হইতে যানবাহন সরাইয়া লওয়া হয়। খাত্তশস্ত এক অঞ্চল হইতে অন্য অঞ্চলে যাইতে না পারায় এবং ইহা যাহাতে শক্তির হস্তগত না হয় সে উদ্দেশ্যে স্থানে স্থানে মজুত করিয়া রাখায় বাংলায় ভৌষণ খাত্তাভাব উপস্থিত হইল, ফলে হইল ১৩৫০ সালের ভৌষণ দুর্ভিক্ষ। এই দুর্ভিক্ষই ‘পঞ্চাশের মন্ত্রণ’ নামে কুখ্যাত হইয়াছে। প্রায় ত্রিশ লক্ষ বাঙালি নর-নারী-শিশু ইহাতে জীবন আহতি দিয়াছে। সেবাকার্যে যাহারা কখনও পশ্চাত্পদ হন নাই তাহারা এই সময় প্রায় সকলেই জেলে।

দুর্ভিক্ষে বাংলার নারী ও শিশুর দুর্গতি হইল অশেষ। কলিকাতাস্থিত কতিপয় মহিলা কর্মী এই সময় ইহাদের রক্ষাকল্পে একটি সমিতি স্থাপন করিলেন। নাম দিলেন ‘মহিলা আত্মরক্ষা সমিতি’। কলিকাতায় ও মফস্বলে ইহার শাখা প্রতিষ্ঠিত হইয়া সেবাকার্যও অবিলম্বে আরম্ভ হইল। এই শাখা-সমিতিগুলি অনশনক্লিষ্ট নারী ও শিশুর মুখে অন্ন পৌছাইয়া দিবার যথাসাধ্য ব্যবস্থা করেন। নারীর সমাজ-জীবনে এই সময় যে ভৌগণ সংকর্ট উপস্থিত হয় তাহা হইতে তাহাকে রক্ষা করার ভাবে লইলেন মহিলা আত্মরক্ষা সমিতি।

বঙ্গনারীর আত্মরক্ষা বা আত্মশক্তির উদ্বোধনমূলক আন্দোলন আর একটি বিষয় হইতে বিশেষ অনুপ্রেরণা লাভ করে। নেতাজী স্বত্ত্বাচক্ষু বহু জাপান-অধিকৃত দক্ষিণ-পূর্ব এশিয়ার কেন্দ্রস্থল সিঙ্গাপুরে একটি অস্থায়ী জাতীয় ভারত-গবর্নমেন্ট স্থাপন করেন। ইহার অধীনে ভারতের স্বাধীনতা প্রতিষ্ঠার উদ্দেশ্যে ‘আজাদ হিন্দ ফোর্জ’ নামে একটি জাতীয় সামরিক বাহিনীও

গঠিত হইল। ইহার অন্তর্গত এক-একটি অংশের নাম দেওয়া হইল— গাঙ্গী ব্রিগেড, নেহরু ব্রিগেড প্রভৃতি। ভারতবর্ষের স্বাধীনতা-আন্দোলনে মহাত্মা গাঙ্গীর গ্রাম নেতাজী স্বত্ত্বাষচ্ছন্দও নারীকে যথাযোগ্য স্থান দিতে কখনও বিধিবোধ করেন নাই। তিনি বাঙ্গীর রানীর নামানুসারে ‘রানী অব বাঙ্গী ব্রিগেড’ নামে নারী-বাহিনী গঠন করিলেন। এই বাহিনীর নায়িকা হইলেন শ্রীমতী লক্ষ্মী স্বামীনাথন्। যুদ্ধ-পরিচালনার উপযোগী শিক্ষা এই বাহিনীকে দেওয়া হয়। যুদ্ধক্ষেত্রেও নারীগণ অবতীর্ণ হইয়াছিলেন। নারীজাতির এই সম্মান শুধু বাংলা কেন, ভারতের অন্যান্য প্রদেশের নারীগণের মধ্যেও স্বদেশপ্রেমের প্রেরণা আনিয়া দিল। মহিলা আত্মরক্ষা সমিতির তৃতীয় বাংসরিক অধিবেশনে সভাপতির ভাষণে জ্যোতির্ময়ী গঙ্গোপাধ্যায় বিদেশী শক্তির হাত হইতে আত্মরক্ষার জন্য এই সমিতি কিরণ দৃঢ়প্রতিজ্ঞ তিনি তৎপ্রতি সকলের দৃষ্টি আকর্ষণ করিয়াছিলেন। তিনি বলেন, ‘যে লক্ষ্য নিয়ে রাজপুত নারী জহুরুত্ত সফল করতেন সেই একই লক্ষ্য এদের ছিল। বহিঃশক্তির হাতে আপনার মান মর্যাদা ইঞ্জং বিসর্জন না দিয়ে তাকে প্রতিরোধ করার প্রতিজ্ঞা ছিল।’

দ্বিতীয় মহাসময় থামিয়া যাইবার (মে ১৯৪৫) পূর্ব হইতেই কংগ্রেস-নেতৃবৃন্দ ও সেবকগণ একে একে কারামুক্ত হইতে লাগিলেন। তাঁহাদের স্বদেশপ্রেম যেন ক্লপবন্ত হইয়া জাতিকে পুনরায় সঞ্জীবিত করিয়া তুলিল। ছেটবড় নানা ব্যাপারের ভিতর দিয়াই ইহা আত্মপ্রকাশ করিতে থাকে। দিল্লীর লালকেন্দ্রায় আজাদ হিন্দ বাহিনীর বিচারকালে দেশব্যাপী যে আন্দোলন উপস্থিত হইল তাহাতে কাহারও বুঝিতে বাকি রহিল না যে, ভারতবাসী আর বিদেশী শাসন মানিয়া লইতে রাজী নয়। বোম্বাইয়ের নৌ-বিদ্রোহও ইহারই ঘোতক। সভা-সমিতি-শোভাযাত্রা-হরতাল বাংলাদেশে কলিকাতায় ও মফস্বলে হিন্দু-মুসলমান কর্তৃক একযোগে অনুষ্ঠিত হইতে লাগিল। বাংলার নারীগণও ইহাতে সমানভাবে যোগদান করিলেন। জ্যোতির্ময়ী গঙ্গোপাধ্যায়ের কথা এখানে বিশেষভাবে বলি। একদিন

ছাত্র-ছাত্রীদের একটি শোভাযাত্রা ধর্মতলায় আটক রাখা হয়। তাহাদের মাতৃস্থানীয়া বষ্টীয়সৌ জ্যোতির্ময়ী গঙ্গাপাদ্যায় সারারাত্রি তাহাদের পার্শ্বে থাকিয়া নানারকম উপদেশ প্রদান করিয়াছিলেন। ইহার পর পুনরায় হৃতালের সময় দক্ষিণ-কলিকাতায় যে উচ্ছ্বলতা দেখা দেয় তাহা নির্বাচন-কল্পে জ্যোতির্ময়ী সেখানে গমন করেন। সেখান হইতে ফিরিবার সময় পিছন হইতে পলায়নরত জিপগাড়ির ধাক্কায় তিনি ভীষণক্রপে আহত হইয়া অচেতন্ত হইয়া পড়েন এবং কয়েক ঘণ্টার মধ্যেই তাহার প্রাণবায়ু নির্গত হয়। দেশ-মাতৃকার সেবায় উৎসর্গীকৃত জীবন তিনি মরণেই দান করিয়া গেলেন।

যুক্তে জয়লাভ করিয়াও, দীর্ঘকাল ইহার পরিচালনার দরুন ইংরেজ শক্তিহীন হইয়া পড়িয়াছিল। তাহারা ভারতবর্ষকে স্বাধিকার-প্রদানে সম্মত হইল। কিন্তু যাইবার সময় তাহার ভেদনৌতিকে সার্থক করিয়া রাখিয়া গেল। ভারতবাস্ত্র ও পাকিস্থান— ১৯৪৭ সনের ১৫ আগস্ট হইতে ভারতবর্ষ এই দুই স্বতন্ত্র রাষ্ট্রে বিভক্ত হইয়াছে।

ভারতবর্ষে নারী নিজেকে কখনও পুরুষ হইতে আলাদা করিয়া ভাবেন নাই। নারী-পুরুষের সম্মিলিত চেষ্টাতেই আমরা জাগতিক সকল কর্ম নির্বাহ করিয়া থাকি। আমাদের জাতীয় আন্দোলনেও নারী যথন পুরুষের সঙ্গে হাত মিলাইয়া দাঢ়াইলেন তখনই তাহা শক্তিমান হইয়া উঠিল। এই শক্তি রোধে কাহার সাধ্য? শেষপর্যন্ত বিরাট ব্রিটিশ-রাজ্যকেও ‘স্বর্গথনি’ ভারতবর্ষ ত্যাগ করিয়া যাইতে হইল। ভারতবাসী আপামর সাধারণ ইংরেজ শাসনের প্রতি যে বিরূপ হইয়া উঠে, তাহার মূলে বাংলার তথা ভারতের নারীসমাজের কৃতিত্বের তুলনা নাই। ১৯০৬, ১৯২১, ১৯৩০ এবং ১৯৪২— আমাদের জাতীয় আন্দোলনে এই কয়টি সন স্মরণীয়। প্রথমে পরোক্ষে এবং পরে সাক্ষৎভাবে যোগদান করিয়া ইহার প্রত্যেকটিকেই বঙ্গনারী সার্থক করিয়া তুলিয়াছেন।

নির্দেশিকা

অঘোরনাথ চট্টোপাধ্যায়	১৭	‘উদয়াদিতি’-উৎসব	৫
অনন্ত সিংহ	৩৯	উপাধ্যায় ব্রহ্মবান্ধব	১৪
অমরচন্দ্র দত্ত	৫	উমেশচন্দ্র দত্ত	১০
অঙ্গালিকা দেবী	৩৪	উঙ্গিলা দেবী	২১, ২৫, ৩৪
অরবিন্দ ঘোষ (শ্রীঅরবিন্দ)	১১, ২১	ও'ডায়ারী শাসন	১৮
অরণ্য আসফ আলী		কংগ্রেস ১, ২, ৪, ৫, ১৭, ২৩, ৪০-১, ৪৪-৫	
(পুরো ‘গঙ্গোপাধ্যায়’)	৪৪-৫	কংগ্রেস, আহমদাবাদ	২৪
অরংবালা সেনগুপ্তা	৩৩	কংগ্রেস, ১৯৩৩	৩৯
অধিনীকুমার দত্ত	৯	কংগ্রেস, এলাহাবাদ ১৯১০	১৬
অসহযোগ আন্দোলন	২০-৫, ৪২	কংগ্রেস ওয়ার্কিং কমিটি	৪২, ৪৩
অহিংস অসহযোগ প্রস্তাব	১৯, ২০	কংগ্রেস, কলিকাতা ১৯২৮	২৬-৩০
‘অ্যাড হক কমিটি’	৪১, ৪৪	কংগ্রেস, কলিকাতা ১৯০৬	১০
অ্যানড় জ, সি. এফ.	৪১	কংগ্রেস, কলিকাতায় বিশেষ অধিবেশন ১৯২০	
আইন-অমান্ত্র আন্দোলন	৩১-২, ৩৬, ৪০, ৪২		১৯, ২০
আইন-অমান্ত্র আন্দোলন, বঙ্গীয়	৩৯	কংগ্রেস, নাগপুর (ডিসেম্বর ১৯২০)	২০
আগষ্ট বিপ্লব	৪২-৬	‘কংগ্রেস উইমেন্স লীগ’	৪১
August Revolution : Two Years'		কংগ্রেস কমিটি, উড়িষ্যা প্রাদেশিক	৪৫
National Government : Midnapore		কংগ্রেস কমিটি, নিখিল-ভারত	২৩
	৪৩-৪	কংগ্রেস কমিটি, বঙ্গীয় প্রাদেশিক ২৪, ২৫, ৩০,	
‘আজান হিন্দ ফোজ’	২৯, ৪৬-৭		৩২, ৪১
আনন্দমোহন বন্দু	১৪	কংগ্রেস প্রদর্শনী, ১৯০৪	৬
আশা অধিকারী (আর্যনায়কম)	৪৫	কংগ্রেস রিপোর্ট	১৯
আশালতা দাস	৩৪	কমলা চট্টোপাধ্যায়	৩৮
আশালতা সেন	৩৫	করপোরেশন, কলিকাতা	৪০
ইউনিয়ন বোর্ড, কাঠি	২২	কর-বন্ধ আন্দোলন	২২
‘ইন্কলাব’	৪৫	কলমনা দত্ত	৩৬, ৩৮, ৪১
ইন্দুমতী গোয়েঙ্কা	৩৪	কাউন্সিল প্রবেশ	২২-৩
ইন্দুমতী সিংহ	৩৯	কাদম্বিনী গঙ্গোপাধ্যায়	২
উজ্জলা দেবী	৩৮	কামিনী রায়, কবি	২, ১০

নির্দেশিকা

কার্জন, সর্ড	১	জাতীয় ভারত-গবর্নমেন্ট, অসমীয়া	৪৬
কিংসফোর্ড, ম্যাজিষ্ট্রেট	১৩	‘জাতীয় সরকার’ (১৯৪২)	৪৩
কিম্বণশঙ্কর রায়	৩৬	জানকীনাথ ঘোষাল	১
কুমুদিনী মিত্র (বসু)	৮, ১০, ৩৯	জালিমানওয়ালাবাগ	১৯
‘কুলি’ নিগহ, টামপুর	২২	জাহুবী	১
কৃপালনী, আচার্য	৪৫	জিতেশ লাহিড়ী	১৯
কৃষ্ণকুমার মিত্র	৮, ১৩	‘জেনানা ফাটক’	৪৪
কৃষ্ণভাবিনী দাস	১৬	‘জেনারেল অফিসার কমাণ্ড’ (জি. ও. সি.)	২৯
ক্ষিতীশচন্দ্র নিরোগী	৩৫	জেমস ল্যাংফোর্ড	৩৫
ক্ষীরোদ্ধৰণসাম বিষ্ণবিনোদ	* ৫	জ্যাকসন, গবন’র	৩৭
ক্ষেমকুমুরী রায়	৩৫	জ্যোৎস্না মিত্র	৩৪
গাঞ্জী, মহাঞ্জা ২, ১৮-৯, ২২, ২৪, ৩১-৩, ৩৫-৬,	৪০, ৪২	জ্যোতির্ময়ী গঙ্গোপাধ্যায় ২০, ২৪-৫, ৩৪-৫	৩৮
গাঞ্জী-আরইন চুক্তি	৩৯		৩৮-৯, ৪৭-৮
গাঞ্জীজীর বাণী, নারীদের উদ্দেশ্যে	৩১-২	ট্রেড ইউনিয়ন কংগ্রেস, ভারতীয়	২৩
গাঞ্জী খ্রিগেড	৪৭	ডল সোসাইটি	১১
গিরীস্বর্মোহিনী দাসী	১০	তারকেশ্বর দস্তিদার	৩৮
গোথলে, গোপালকুমাৰ	১৭	তিলক, বালগঙ্গাধুর	১৮
গোলটেবিল বৈঠক, ভারত-দক্ষিণ আফ্রিকা	২৫	দঙ্গী যাত্রা	৩১
গোলটেবিল বৈঠক, লঙ্ঘন	৩৯	দিনমণি	১
‘গ্রিগলে ব্যাস্ক কেস’	৩৮	দীপালী সংঘ	২৬-৭, ৩০-৬
‘চট্টগ্রাম অস্ত্রাগার-লুঁঠন’	২৬, ৩০, ৩৫, ৩৮	দুকড়িবালা, বীরভূম	১৬
চৱকা	১২	ধাৰকানাথ গঙ্গোপাধ্যায়	২
চিত্তুরঞ্জন দাশ (দেশবন্ধু)	২০-১, ২৩-৪	নলিতা দেৰী	৪৪
চিমনবাঙ্গ, বরোদার মহারাজী	১০	নবকৃষ্ণ চোধুৱী	৪৫
ছাতীসংঘ	৩০, ৩৩	‘নবশক্তি’	১৪
অওহুলাল নেহৱ	৩১	‘নমামি’	১৭
‘জয়ন্তি’	৩৬-৭	নারী-কর্মনির	২১, ২৪
জাতীয় ভাগুৱ	৯	নারী সত্যাগ্রহ সমিতি	৩৩-৫

নির্দেশিকা

‘নিউ ইঞ্জিয়া’	৮
Nivedita—Fille de L'Inde	৭
নিবেদিতা, ভগিনী	৯
নির্মলা সরকার	৩৮
নিষ্ঠারিণী দেবী	১৪
নীলরতন সরকার, ডাঃ	৯
নেলী সেনগুপ্তা	৬
নেহরু ব্রিগেড	২১-২
‘স্থাশনাল প্র্যানিং কমিটি’	১০
‘পঞ্চাশের মন্ত্র’	১০
পাকিস্তান	২০-২
পার্সল মুখোপাধ্যায়	৩২
পিকেটিং	১
পুলিনবিহারী দাস	৫
পূর্ণচন্দ্র দাস, মাদারিপুর	১১
‘পূর্ণ স্বাধীনতা’	১১
পুণিমা বন্দেয়াপাধ্যায়	২৭
পেডি, ম্যাজিষ্ট্রেট	৩৪-৮
প্রতাপাদিত্য	
প্রতাপাদিত্য-উৎসব	৩৬-৭, ৪৪
প্রতাপাদিত্য নাটক	৫
প্রফুল্ল ব্ৰহ্ম	৫
প্ৰভাৱতী বশু	২২
প্ৰাইমারী এডুকেশন কমিটি [কলিকাতা কৱপোৱেশন]	৩০
প্ৰীতিলতা ওয়াদেদাৱ	৫
প্ৰেসিডেন্সী জেল	১০, ২৮-৯
ফজলুল হক	১৭-৮, ২৩
ফরওয়ার্ড ব্রক	৪৮
১২ ‘বঙ্গলক্ষ্মীৰ ব্ৰতকথা’	
১১-৩ বঙ্গীয় প্ৰাদেশিক সম্মেলন, বৱিশাল	
৮ বনলতা দাস	
৩৪-৫ ‘বন্দেমাত্ৰম্’ ইংৰেজী দৈনিক	
৮, ১৩ ‘বন্দেমাত্ৰম্’ খনি	
২২, ৩৯ বলেন্দ্ৰলাথ ঠাকুৱ	
৪৭ বসন্তকুমাৰ মজুমদাৱ	
৪১ বসন্তবালা হোম	
৪৬ ‘বামাবোধিনী পত্ৰিকা’	
৪৮ বাসন্তী দেবী	
৩৮ বিদেশী বন্দু বৰ্জন	
৩২-৩ বিনুবাসিনী	
২৬ বিপিনচন্দ্ৰ পাল	
৩০ বিপ্ৰ কেলু, আপাৱ সারকুলাৱ ৱোড	
৩১ বিবেকানন্দ, স্বামী	
৪৫ বিভাবতী বশু	
৩৫ বিমলপ্ৰতিভা দেবী	
৫ বীণা দাস (ভৌমিক)	
৫ ‘বীৱাষ্টমী গান’	
৫ বীৱাষ্টমী ব্ৰত	
৩৮ বীৱেন্দ্ৰলাথ শাসমল	
২৭ বেঙ্গল ভলাণ্টিয়াস	
‘বেঙ্গলী’	
২৪ বেথুন কলেজ	
২৬, ৩৬, ৩৮-৯ বেসাংট, অ্যানি	
১৭ ভাৱতৱাষ্ট	
৪৩ ভাৱত স্বীমহামগুল	
৪১, ৪৪ ‘ভাৱতী’	
	৩, ৪, ৬, ৭, ৯

নির্দেশিকা

জুবনেখরী, বিবেকানন্দ-জননী	১৩	মোহিনী দেবী	২২, ২৫, ৩৪
জুপেন্ট্রনাথ দত্ত (ড.)	১১, ১৩-৪	ম্যাকডোনাল্ড, জেমস র্যামসে	১৫
মডান' রিভিউ	১৫, ৩৫	ম্যাকডোনাল্ড-পঞ্চী	১৫, ১৬
মনোমোহন ঘোষ, কবি	২৭	'ফজলজঙ্গ'	৯
মনোরঞ্জন গুহঠাকুরতা	১৪	যতীন্দ্রনাথ বসু	৩৫
মণ্টেগু, ভারত-সচিব	১৯	যতীন্দ্রমোহন সেনগুপ্ত, দেশপ্রিয়	২২
মহম্মদ আজী, মেলানা	১৮	'যুগান্তর'	১৩
মহাসমর, প্রথম ১৬, ১৮ ; ঐ দ্বিতীয় ৪২-৮	৪৬-৭	যোগেশচন্দ্র চৌধুরী, ব্যারিস্টার	৬
'মহিলা আন্দৱক্ষা সমিতি'	২৪	রবীন্দ্রনাথ ঠাকুর	৪, ৬, ১৪, ১৯, ৪১, ৪৪
মহিলা কর্মী সংসদ	২৪	রাইট, জি. এম.	২৮
মহিলা রাষ্ট্রীয় সংঘ	২৭-৮, ৩২-৪	রাজা বাহাদুরের হাবেলী, বরিশাল	৯
মহিলা সম্মেলন	৩০	'রাণী অব ঝাঙ্গী বাহিনী'	২৯, ৪১
মহিলা-সম্মেলন, এলাহাবাদ ১৯১০	১৬	রানী চন্দ	৪৪
মহিলা-সম্মেলন, কলিকাতা ১৯০৬	২, ১০	রানী ভবানী	১
মাতঙ্গী হাজরা	৩৫, ৪৩-৪	রামকৃষ্ণ বিশ্বাস	৩৯
মাতাজী মহারানী তপস্বিনী	১	রামকৃষ্ণ মিশন	১১
মাদকদ্রব্য-নিবারণ	৩২	রামভজ দত্ত চৌধুরী	১৯
মানকুমারী বসু	১০	রামমনোহর লোহিয়া, ডক্টর	৪৫
মানসনলিনী দেবী	৩৪	রামেন্দ্রশুল্ক ত্রিবেদী	৭
মান্দালয় জেল	২৭	রাসমণি, রানী	১
মাজ্জাজ প্রাদেশিক সম্মেলন	১৮	'Revolutionary National Council'	১১
মায়া দেবী	৩৮	রেণুকা সেন	৩৮
'মায়ের কেটা'	৮	Reymond, Lizelle	১২
মালতী চৌধুরী	৪৫	রোলট আইন	১৮
মুণ্ডালিনী	১৮	লক্ষ্মী স্বামীনাথন्	৪৭
মেদিনীপুরের বড়	৪৬	লক্ষ্মীবাঈ, ঝাঙ্গীর রাণী	১
মৈত্রেয়ী বসু, ডাঃ	৪৫	'লক্ষ্মীর ভাণ্ডার'	৬, ৭
মোসলেম লীগ, নিধি-ভারত	১৮	লতিকা ঘোষ	২৭, ৩০, ৩৬
মোহাস্ত, তারকেশ্বর	২৩	লাবণ্যলতা চন্দ	৩৫

নির্দেশিকা

লাবণ্যপ্রভা দত্ত	৪৪	সরোজিনী নাইডু ১৭-৯, ২৪-৫, ৩৩, ৩৯, ৪৩
লীলা নাগ (রায়)	২৬, ৩৬-৩৭, ৪১-২	সরোজিনী বন্ধু ৯
লীলা রায় (মজুমদার)	৩০	‘সরস্বতী লাইব্রেরী’ ২৮
লীলাবতী মিত্র	৮, ১৩	সাইমন কমিশন ২৭-৮
শ্রুৎকুমারী	১	সাতকড়িপতি রায় ২৪
শ্রুচল্ল বন্ধু	২৬	সাবিত্রী দেবী, দার্জিলিং ২৩
শান্তি দাস (কবীর)	৩৪	সাবিত্রী দেবী, ধূলঘাট ৩৯
শান্তি ঘোষ (দাস)	৩৬-৭	‘সাম-আ’ ১৮
শান্তিশুধা ঘোষ	৩৬-৮	সামরিক আইন ১৯
শিবাজী-উৎসব	৫	‘সিঙ্কুবালা’ ১৭
শোভারাণী দত্ত	৩৮	সিপাহী বিদ্রোহ ১
‘শ্রমিক’	৬৩	শুচেতা কৃপালনী ৪৫
শ্রমিক আন্দোলন	৪৫	শুনীতি চৌধুরী ৩৬-৭
‘শ্রীসংঘ’	৩১, ৩৬	শুনীতি দেবী ৬-২১
সথী-সমিতি	৩	শুন্দরীমোহন দাস, ডাঃ ৮, ১৪
সজ্জন দেবী	৩৪	শুবালা দেবী ৮, ১৩
‘সঞ্জীবনী’	৫	শুভাষচন্দ্র বন্ধু ২১, ২৯-৩০, ৩৫-৭, ৪১, ৪৬
সতীশচন্দ্র দাসগুপ্ত	৩৪	শুরমা পালিত ৩৫
সতীশচন্দ্র মুখোপাধ্যায়	১১	শুষমা দাশগুপ্তা ৩৪
সত্যবালা দেবী	৩৫	শুশীল মেন ১৩
‘সত্যাগ্রহ’, তারকেশ্বর	২৩	শুষমা পালিত ৩৫
সত্যাগ্রহ আন্দোলন (আইন-অমান্ত্র		শুহাসিনী গঙ্গোপাধ্যায় ৩৯
	আন্দোলন দ্র.)	সুর্যকুমার সেন (‘মাস্টারদা’) ৩০, ৩৮-৯
সন্তোষকুমারী গুপ্তা	২৩	সৌকৃৎ আলি, মৌলানা ১৮
সবরমতী আশ্রম	৩১	স্টিডেন্স, ম্যাজিস্ট্রেট ৩৭
সমাজতন্ত্রী দল	৪৪	স্টীমার ধর্মঘট ২২
সরমা গুপ্তা	৩৫	স্বদেশী আন্দোলন ৩, ৫, ৬-১২, ১৪, ১৫, ১৮
সরলাবালা সরকার	৩৪	স্বদেশী ভাণ্ডার ৬
সরলা দেবী (চৌধুরানী)	৪-৭, ১৬, ১৯	স্বদেশী মেলা ১০

নির্দেশিকা

বঙ্গী শিল্প প্রদর্শনী, মজিলপুর	১০	স্বেচ্ছাসেনিক বাহিনী	২৫
স্বরাজ	২০, ২২	‘হলওয়েল স্মৃতিস্তুতি’	৪২
স্বরাজ্য-আন্দোলন	২৩	How India Wrought for Freedom	২
স্বরাজ্য-দল	২৩	‘হিন্দুস্থান’, জাতীয় সংগীত	৪
স্বর্ণকুমারী দেবী	২-৪, ১০	হিন্দুমেলা	১
স্বর্ণপ্রভা বসু	১৪	হিন্দুগীরী দেবী	৩, ৪, ৮, ১০
স্বর্ণময়ী (মহারানী)	১	হৃষাযুন কবীর	৭৪
স্বাধীনতা দিবস	৩১	হেমপ্রভা মজুমদার	২১-২৫, ৩৪-৫ ৪০-১
স্বেচ্ছাসেবক বাহিনী	২০-১, ২৮, ২৯	হেমাঞ্জিনী দাস	৮-১৪
স্বেচ্ছাসেবিকা বাহিনী	২০, ২৯	হোমরঞ্জ আন্দোলন	১৮

অর্থ-সংশোধন

পৃ. ২ পাঠটীকা : “India Wrought for Freedom” হলে How India Wrought for Freedom হইবে ।

পৃ. ১৫ পংক্তি ৪ : ‘জেম্স ম্যাকডোনাল্ড’ হলে ‘জেম্স র্যামসে ম্যাকডোনাল্ড’ হইবে ।

পৃ. ২৪ „ ১০ : ‘মহিলা কর্মসংঘের’ হলে ‘মহিলা কর্মসংসদের’ হইবে ।

লোকশিক্ষা প্রচ্ছালনা

১।	রবীন্দ্রনাথ ঠাকুর	বিশপরিচয়	১।০
২।	সুরেন ঠাকুর	বিশ্বানবের সম্মৌলাভ	২।০
৩।	শ্রীশুনীতিকুমার চট্টোপাধ্যায়	ভারতের ভাষা ও ভাষাসম্বন্ধ	২।০
৪।	শ্রীপ্রমথনাথ সেনগুপ্ত	পৃষ্ঠাপরিচয়	১।০
৫।	শ্রীয়দীননাথ ঠাকুর	প্রাণতত্ত্ব	২।০
৬।	শ্রীপশুপতি ভট্টাচার্য	আহার ও আহার্য	১।০
৭।	শ্রীনিত্যানন্দবিনোদ গোস্বামী	বাংলা সাহিত্যের কথা	১।০
৮।	শ্রীশুকুমার বন্দ্যোপাধ্যায়	বাংলা উপন্যাস	২।
৯।	শ্রীউমেশচন্দ্ৰ ভট্টাচার্য	ভারত-দর্শনসার	৩।০
১০।	শ্রীচাক্রচন্দ্ৰ ভট্টাচার্য	ব্যাধির পরাজয়	১।০
১১।		পদাৰ্থবিদ্যার নবযুগ	৩
১২।	শ্রীনির্মলকুমার বসু	হিন্দুসমাজের গড়ন	২।০
১৩।	শ্রীসত্যেন্দ্ৰকুমার বসু	হিউএনচাঙ	২।০, ৩
১৪।	শ্রীযোগেশচন্দ্ৰ রায় বিহুনিধি	পূজা-পূৰণ	৩, ৪

